

Ang Eden Ni Satanas

Jeffersonville, Indiana USA

Agusto 29, 1965

1 Magaduko kita. Minahal nga Dios, nagapasalamat kami kanimo alang niining dakung kahigayonan, sa pag-anhi pag-usab sa Ngalan ni Ginoong Jesus, aron makig-atubang sa among kaaway, Imong kaaway, dinhi sa natad sa panggubatan; pinaagi sa Pulong, sa pagpalayas kaniya pahilayo sa taliwala sa Imong katawhan; aron sila makakita, karong gabii, Ginoo, sa Kahayag sa Maayong Balita. Ako nagaampo nga Ikaw magadihug sa among mga mata uban sa tambal nga ikapadapat sa mata, aron kini mabuksan ngadto sa Kamatuoran; aron sa dihang kami mobiya dinhi, magaingon sa sulod sa among mga kasingkasing, "Dili ba ang atong mga kasingkasing nagadilaab sa sulod nato samtang Siya nagapamulong kanato diha sa dalan?" Ayoha ang masakiton ug ang nagaantus. Dasiga ang naluya. Ituboy ang mga kamot nga sa makausa nahoyhoy. Hinaut nga kami magapaabut sa Pag-anhi sa Ginoong Jesus, nga among gitoohan nga haduol na. Ginapangamuyo namo kini sa Ngalan ni Jesus. Amen.

Mahimong makalingkod na.

2 Akong tinguhaon nga dili magdugay karong gabii, tungod kay ako nahibalo nga daghan ang miabut gikan sa nagkalainglaing mga dapit sa nasud, aron... alang sa serbisyo; kon magpabilin, ang uban kaninyo, ug kinahanglan mobalik, aron tingali adunay mga pamaagi nga makabalik dinhi. Ug ako nagapasalamat kaninyo. Ganihang buntag buot ko nga magapatalinghug kang Igsoong Neville, sa akong kaugalingon. Ug ako nakapatalinghug kaniya sa daghang higayon, ug wala gayud makadungog kaniya sa bisan unsang higayon apan unsa ang akong napatalinghugan, ako nagapasalamat kaniya. Apan ganihang buntag, kanang tukma sa panahon nga mensahe, ako nahibalo nga ako adunay giya sa Ginoo sa pagpatalinghug ngadto niana ganihang buntag. Maayo kaayo! Ug akong nakita ngano nga kamong katawhan gusto nga moanhi ug magpatalinghug usab kaniya. Ug siya sa kanunay magabuhat kaninyo ug maayo, seguridad ako, nga magpatalinghug kaniya.

3 Nagtinguha ako nga makaagpas sa uban nakong mga pakighisgut (interviews) karong adlaw; ganihang buntag ug ganihang hapon. Ug sa gihapon daghan, daghan, daghan nga pagabuhaton. Ug ako...

Maingon, sa akong gitoohan, si Jethro ang nagsulti kang Moises usa niana ka higayon, miingon, "Kini bug-at ra kaayo alang kanimo." Busa, kita adunay daghang mga igsoong lalake dinhi nga makatabang sa inyong mga problema. Ug ang matag-usa kanila makatarunganon, ug sila mga maayong butang nga kinahanglan matagaan ug pagtagad. Ug ako makarekomendar sa atong pastor, kon Igsoong Mann, ug laing mga ministro sa atong Pagtoo dinhi. Mahimo kamong moadto kanila. Sila magasulti kaninyo sa husto gayud nga butang nga pagabuhaton; sa ubang tawo, sa ilang mga anak; sa pagpakigminyo, kon mga butang nga sayup. Ug kining mga tawo makatabang kaninyo sa mao gihapon maingon-maingon sa kang bisan kinsa pa, tungod kay sila mga ulipon ni Cristo. Ug moadto kanila, ug ako seguridad sila-sila makatabang kaninyo sa inyong panginahanglan. Ako dili makahimo sa pag-adto kanilang tanan. Adunay daghan gayud kaayo, sa bisan asa ikaw moadto. Sila nagpadayon sa pagtipon-og ug pagtipon-og, nakita ninyo. Ug kung ikaw buot nga moadto sa matag-usa kanila, apan dili ikaw makabuhat niini. Apan sa kanunay ako nagaampo nga ang Dios, sa ubang paagi, magasulbad niini alang kaninyo.

4 Karon, niining gabii, kita moadto sa Kasulatan, ug mobasa sa usa ka bahin sa Kasulatan gikan sa Genesis, sa ika-3 nga kapitulo; ug mohisgut pagbalik ug diyutay ngadto sa ubang mga butang nga atong gikahisgutan na, sa mga panahong minglabay, ug tan-awon kung ang Ginoong Jesus magahatag kanato ug diyutayng dugang pa ngadto sa atong nahibaloan sa dihang kita panagpanggula. Ako nagaampo-nagaampo nga Siya magabuhat.

Karon, ang bitin malalangon labi pa kay sa ngatanan nga mga mananap sa kapatagan nga gibuhat ni Jehova nga Dios. Ug nag-ingon siya sa babaye; Diay, nag-ingon ang Dios: Dili kamo makakaon sa tanan nga mga kahoy sa tanaman?

Ug ang babaye mitubag sa bitin: makakaon kami sa bunga sa mga kahoy sa tanaman:

Apan sa bunga sa kahoy nga anaa sa taliwala sa tanaman, miingon ang Dios; Dili kamo magkaon niana, bisan maghikap niana, aron dili kamo mamatay.

Ug ang bitin miingon sa babaye: Dili gayud kamo mamatay.

Kay hingbaloan sa Dios, nga sa adlaw nga kamo mokaon niini mangabuka ang inyong mga mata, ug mahimo kamo nga sama sa Dios, nga manghibalo sa maayo ug sa dautan.

Ug sa nakita sa babaye nga ang kahoy maayo nga kan-on ug nga kini makalipay sa mga mata, ug nga ang kahoy takus tinguhaon aron makapahimong makinaadmanon sa tawo, mikuha siya sa bunga niini ug mikaon; ug gihatagan usab niya ang iyang bana, kauban niya, ug mikaon siya.

Ug nangabuka ang mga mata nilang duha, ug sila nanghibalo nga sila mga hubo; ug nanagtahi sila sa mga dahon sa higuera, ug nanagbuhat ug mga tapis alang sa ilang kaugalingon.

5 Hinaut ang Dios magadugang sa... Iyang mga panalangin sa pagbasa sa Iyang Pulong. Karon buot ako nga magkuha ug usa ka teksto karong gabii, gikan niana, ug tawgon nga: Eden ni Satanas. Usa ka salikwaut kaayo nga gamayng butang nga isulti, sa, Eden ni Satanas. Usa kini ka matang nga katumbas, sa laing Domingo sa gabii, nagatoo ako, sa dihang ako namulong kaninyo dinhi mahitungod sa Salaan Sa Tawong Naghunahuna, ug igitilaw sa balaang tawo.

Ug usahay kining salikwaut nga mga linitokan magadala kanato ngadto sa usa ka butang; kini makapaaghat kanato sa pagtuon, ug makahimo kaninyo sa pagbasa sa Pulong. Ug mao kana ang buot ko nga buhaton sa akong kongregasyon. "Ang tawo mabuhi dili sa tinapay lamang, kondili sa matag-Pulong nga magagula sa baba sa Dios." Busa, basaha ang Pulong, pagtuon Niini. Ug pagtuon Niini uban sa mga mata sa Dios, aron makahatag kini ug salabutanong pagsabut kung unsaon nato sa pagkinabuhi dinhi niining kasamtangang panahon.

6 Karon sa pag-anhi, karong gabii, sa pakigpulong lamang kaninyo, sa pagsulti, "Buyno, ako makahimo niini kon niana,..."

Gusto ako mamulong kauban sa katawhan, maingon nga gusto gani ako mouli kauban sa matag-usa kaninyo karong gabii. Ako... Ang Dios nahibalo sa kamatuoran. Buot ako nga mouli uban sa matag-usa kaninyo, ug-ug mokaon-mokaon ug pamahaw kaninyo sa buntag, ug-ug mogawas ug mangayam ug squirrel uban kaninyo ugma sa hapon, nakita ninyo. Gusto-gusto ako mobuhat niana, apan dili ako-ako makabuhat niana. Ug buot ako mouli ug molingkod lamang ug makighinabi kaninyo; molingkod sa balkon human sa serbisyo, ug makighinabi kaninyo sa makadiyut, makighinabi kaninyo mahitungod sa inyong kaayohan ug mahitungod sa Dios. Akong gikalipay nga buhaton kana. Mga lalake ug mga babaye dinhi sa sulod; ang Dios nahibalo nga gikalipay ko kana nga buhaton, apan dili ako makabuhat niini. Nakita ninyo, aduna gayuy usa-usa ka ingon niana ka pagbitad ug pakigbisug.

7 Ug-ug dinhi niining naghigwaos nga kapanahonan nga atong gikinabuhian... Ug ako, sa akong kaugalingon, usa ka naghiwaos nga tawo. Karong panahona ako nakadesisyon sa usa ka butang, "Kinahanglan pagabuhaton gayud nako kini," kay ugma minilyon na ka mga milya ang layo niini gikan kanako; usa ka butang ang masal-ot ug mabuhat niini ug niana. Ug ikaw adunay panahon, magtinguha nga magpabilin sa imong hustong salabutan.

8 Apan ang akong labing dakung katuyoan mao ang pagwali sa Maayong Balita pinaagi sa Iglesia, ug buhaton ang tanan nga akong mahimo sa pagdala ug pasidungog kang Jesu-Cristo dinhi niining panahon, samtang ania ako dinhi sa yuta, ug sa panahon nga nahibilin kanako dinhi sa yuta. Ako mianhi sa-sa pagtinguha sa pagsulti ug usa ka butang kaninyo nga mahimong makatabang kaninyo; usa ka butang. Ako nagtuon human ako mipauli sa balay ganihang buntag. "Unsay akong mahimong ipamulong karong gabii, Ginoo, nga makatabang nianang katawhan?"

Sa pagpatalinghug nianang kusganong mensahe ganihang buntag sa... Si Igsoong Neville nagdala kanato, mahitungod... Ako nagtoo nga kini kahibulongan kaayo, giunsa niya pagsulti didto, "Ang doktor mohiling sa sakit; apan ang tawo nga moanhi uban sa plato nga napuno ug mga dagum, siya ang mag-inyeksyon." Busa ako naghunahuna nga kana usa ka tinuoray usa-usa ka tinuod nga diyutayng nindot nga panultihon. Naghunahuna ako mahitungod niana nga, "ang tambal, human ang sakit gihiling." Busa kana usa ka maayo kaayo nga butang.

9 Buot ako mamulong kaninyo sa usa ka butang, sa pagdala ug usa ka butang nga makalamdag kaninyo sa saad sa Dios alang niining kapanahonan. Nakita ninyo? Usa ka butang, dili usa ka butang nga anaa sa ubang tawo sa ubang laing adlaw, apan usa ka butang... ug sa dihang... Silang mga butang maayo man; kitang tanan nagahisgut nianang mga butang. Apan ako naghunahuna nga akong tinguhaon sa pagdala ug usa ka butang sa inyong hunahuna, uban niining Mga Kasulatan nga akong nasulat dinhi, nga makalamdag kaninyo, aron mahibalo, makahimo kaninyong usa ka labing maayo nga sundalo diha sa natad nga inyong gipakig-awayan karon; aron makakat-on ug mga taktika sa kaaway, aron nga kamo makahimo sa pagsanta sa tanang butang sa dili pa kini moabut kaninyo, nakita ninyo. Mao kana ang labing dakung butang, mao ang makat-on sa paglikay sa-sa mga suntok pahilayo kaninyo, kutob sa inyong mahimo.

10 Karon, magatan-aw kita karon ngadto niining dakung... sa pipila ka mga minuto, niining dakung, makasasala nga adlaw nga atong gikinabuhian karon. Dili ako motoo nga adunay adlaw nga akong nabasa diha sa kasaysayan... Adunay dagkung mga adlaw sa paglutos, sa dihang ang mga anak sa Dios ginapatay sa tanang dapit. Apan aron makakita sa limbong sa kaaway, kita wala gayud makabaton ug adlaw nga sama niini nga atong gikinabuhian karon. Mao kini ang labing malalangon, limbongan nga adlaw. Ug sa dihang akong nakita kana, nagpasabut kini, nga, ang Cristohanon kinahanglan nga labing maabtikon karong panahona kay kaniya nga anaa sa bisan unsang kapanahonan.

11 Karon, balik sa mga adlaw sa paglutos, sa Roma, ngadto sa iglesia; sa dihang ang Cristohanon makahimo ug kasaypanan, siya ipaadto sa natad dulaanan ug ipakaon ngadto sa mga leon, kon ubang butang nga sama niana, sa dihang ilang makaplagnan siya ingon nga usa ka Cristohanon alang sa iyang

pagpamatuod. Apan ang iyang kalag maluwas, tungod kay siya usa ka lunsay, walay sagol nga magtotoo sa Dios, ug malipayon nga nagselyo sa iyang pagpamatuod uban sa iyang dugo. Samtang ang mga ugat nangaputol, kon mga bangag diha sa iyang lawas, ug ang dugo miagas, siya mosinggit, uban sa tinuod nga maunongon nga pagtoo, ug moingon, "Dawata ang akong espiritu, Ginoong Jesus!"

12 Apan, karon, ang pagkamaigmat sa yawa karon, makahimo sa katawhan sa pagtoo nga sila usa ka Cristohanon sa dihang sila dili diay. Adunay usa ka butang. Dili ka kinahanglan magaselyo... Kini-kini usa ka labing maigmat nga adlaw kay sa mahitabo, kay sa dihang kinahanglan imong pagaselyohan ang imong-imong kinabuhi uban sa imong pagpamatuod. Ang yawa nagpahiluna sa tanang maigmat nga lit-ag nga mahimo niya, sa... Siya usa ka maglilimbong. Ug si Jesus miingon kanato, diha sa Mateo 24, giunsa niining adlaw nga mahimo gayud nga diin atong gikinabuhian, ang labing malimbongan nga adlaw nga atong gikinabuhian kay sa bisan unsang panahona, "dikit kaayo nga kini makalimbong sa Pinili sa Dios kung mahimo kaniya nga malimbongan."

13 Karon atong itandi ang ubang Mga Kasulatan, kon mga profesiya nga gisulti diha sa Biblia, sa karong panahona, ug itandi kini uban sa adlaw nga atong gikinabuhian karon.

Sa Ikaduhang Timoteo 3, atong makat-onan dinhi, nga ang profeta miingon, nga, "Kini mahitabo dinhi niining mga adlaw, nga ang tawo mahimong gahig-ulo, hambogiro, mahigugmaon sa kalingawan labaw pa kay sa paghigugma sa Dios." Itandi kana karon, sa makadiyut lamang. Kita dili... Pamub-on lamang nato kini, tungod kay wala na tay igong panahon sa pag-adto niini sama sa angay nato nga pagatukion kini; apan sa paghisgut sa mga importanting bahin niini, aron kamo makahimo sa pagtan-aw sa dihang makauli na kamo ug pagatun-an kini. "Gahig-ulo, hambogiro, mahigugmaon sa kalingawan labaw pa kay sa paghigugma sa Dios; dili malokmay, tigbutangbutang, mapatuyangon, mabangis, dili mahigugmaon sa maayo." "Karon ang Espiritu nagsulti sa dayag nga kining mga butang mahitabo sa kaulahiing mga adlaw." Mao kana kining mga adlaw, ang profesiya nga naghigugmaon mahitungod niini.

14 Karon atong mabasa, usab, diha sa Mga Pinadayag... 14, Mga Pinadayag 3:14, diay, ang Ang Kapanahonan Sa Iglesia Sa Laodicea, kung unsa ang mahitabo sa iglesia niining katapusang kapanahonan. Ug mahitabo kini, miingon Kini, "Molingkod kini sama sa usa ka balo ug walay nakulang. Kini-kini datu, mauswagon, sa walay pagpanghibalo nga sila kabus, makalolooy, alaut, buta, ug hubo, ug wala mahibalo niini." Karon, hinumdomi, Siya namulong ngadto sa iglesia niining kapanahonan, "Alaut, buta, hubo, ug wala mahibalo niini." Kanang hugpong sa mga pulong, kanang katapusang Pulong, mao kana ang nakapahimong makapaalingkat kaayo. Sila nagtoo nga sila napuno sa Espiritu, silang tanan andam. Ang Kapanahonan sa Iglesia sa Laodicea mao ang Pentecostal nga Kapanahonan sa Iglesia, tungod kay mao kini ang katapusang kapanahonan sa iglesia. Si Luther adunay iyang mensahe; si Wesley adunay iyang mensahe; ug ang Pentecostes adunay ilang mensahe.

15 Usab, Kini miingon, nga, "Tungod kay ikaw dagaang, dili mainit kon mabugnaw," ang mga pagbati sa gawas, ang kaisipan nga panghunahuna sa Maayong Balita; "tungod kay," Siya miingon, "kay mao kana ang imong kahimtang, igasuka Ko ikaw gikan sa Akong baba." Sa laing pagkapulong, kini nakapahimo Kaniya nga masakiton sa pagtan-aw sa iglesia niana nga kahimtang.

16 Ug, hinumdomi, ilang gisuka Siya; ug Siya anaa sa gawas sa iglesia, nagtinguha nga makasulod pagbalik, diha nianang makalilisang nga Kapanahonan sa Iglesia sa Laodicea.

17 Ang dios niining kalibutan karong panahona, nga ginasimba nga persona niining kalibutan karong panahona, mao si Satanas. Ug ang katawhan wala nahibalo nga nagsimba kang Satanas, apan mao kini si Satanas nagpakaaron-ingnon sa iyang kaugalingon ingon nga iglesia, nakita ninyo, ingon nga iglesia. Sila nagsimba kang Satanas, sa pagtoo nga sila nagsimba sa Dios pinaagi sa iglesia, apan mao kini ang paagi nga gibuhat ni Satanas.

"Oh," ikaw moingon, "apan kadiyut lamang; kami nagwali sa Pulong."

Tan-awa pagbalik dinhi sa akong teksto, karong gabii. Si Satanas mao ang nagwali sa Pulong ngadto kang Eva, nahauna, "Ang Dios miingon," nakita ninyo.

Mao kana ang sayup nga pagsabut nianang bahin sa Kasulatan nga magamit sa atong adlaw. Iya kang tugotan nga mahibalo nga ang tanang gibuhat ni Jesus hingpit. Iya kang tugotan nga mahibalo nga ang tanan nga gibuhat ni Moises hingpit. Apan kung imong kuhaon ang mga saad nga Ilang gihatag alang niining adlaw, nan Kana alang sa laing kapanahonan. Mao lamang kanang tanan ang iyang buhaton, nakita ninyo, mao nga patoohon ang katawhan Niana nga paagi, ug mao-mao lamang kana. Kay, "Dili ka magataktak ug usa ka Pulong gikan Niini, kon makadugang ug usa ka Pulong ngadto Niini." Apan mao kana ang iyang ginabuhat.

18 Ang katawhan, sa walay pagpakahibalo nagsimba kang Satanas, nagtoo nga sila nagsimba sa Dios; ingon nga kita gipasidan-an pinaagi sa profesiya, sa Ikaduhang Mga Taga-Tesalonica. Kana, atong pagabasahon lamang kana, sa Ikaduhang Mga Taga-Tesalonica, sa ikaduhang capitulo. Atong

pagaadtoan lamang kini sa makadiyut, kung akong mahimo, karon dayon. Ikaduhang Mga Taga-Tesalonica. Akong nakuha ang Kasulatan dinhi. Sa Ikaduha...

Karon gipangaliyupo namo kaninyo, mga igsoon mahatungod sa pag-anhi sa atong Ginoong Jesu-Cristo...ug sa panagtigum ngadto kaniya,

Karon, nakita ninyo, "ang pag-anhi sa Ginoo, ug ang pagtigum ngadto Kaniya," maingon nga ang Dios magatigum sa Iyang katawhan ngadto Kaniya sa katapusang mga adlaw. "Ang pagtigum sa katawhan ngadto sa Ginoo," dili ngadto sa iglesia, "ngadto sa Ginoo; ang panagtigum sa tanan ngadto Kaniya."

Nga dili unta kamo makuyawan pagdali ni... makulbaan-makulbaan, bisan pinaagi sa espiritu o... pulong, o pinaagi sa sulat nga... ang adlaw sa Ginoo ania na.

Ayaw kamo pagpalimbong ni bisan kinsa sa bisan unsang paagi; kay kadtong adlaw dili pa moabut hangtud nga mahitabo una ang pagsupil, ug ang pagtungha sa tawo sa kalapasan ("tawo sa kalapasan," bantayi unsa siya karon), ang tawong pagalaglagon, (mao kana si Judas, nakita ninyo);

Nga magasupak ug magapahitaas sa iyang kaugalingon batok sa tanang ginatawag ug dios o sa bisan unsa nga ginasimba, nga tungod niana siya magpahigayon sa paglingkod sa sulod sa templo sa Dios, magapasundayag sa iyang kaugalingon nga siya Dios.

19 Kanang pagkalimbongan sa iglesia karong panahona! Nakita ninyo, "ang anak sa pagkalaglag," ang yawa. "Ang anak sa pagkalaglag," ang yawa. Tungod niana, ang katawhan nagasimba kang Satanas dinhi niining panahona, nagtoo nga sila nagasimba sa Dios. Apan sila nagasimba kaniya pinaagi sa kredo, ang hinimo sa tawo nga mga denominasyon ug mga kredo nga nagdala sa katawhan ngadto gayud sa pinakalabing daku nga limbong nga nahibaloan sa kalibutan. Bisun unsaon ka daghan ang saad sa Pulong sa Dios alang niining panahona nga giwali ug ginapamatud-an, sa gihapon sila dili motoo Niini. Dili sila motoo Niini.

Nan ngano? Kita natingala kung ngano. Nganong dili man; nganong dili sila motoo Niini? Sa dihang ang Dios miingon nga Siya magabuhat ug usa ka butang, ug Iyang gibuhat kini, ug sa gihapon sila motalikod niini ug mopahilayo gikan niini. Sama gayud kang Eva nga nahibalo kung unsa ang giingon sa Dios, buhaton sa Dios; apan siya mitalikod gikan niini, aron sa pagpatalinghug kung unsay gisulti ni Satanas.

Hinumdomi gayud, sa laing mga kapanahonan, sa kanunay kini mao ra gihapon nga butang. Sa matag kapanahonan, sa kanunay si Satanas nagatinguha sa pagtuis nianang Pulong ngadto kanila, naghimo kanila nga makakita sa ubang laing kapanahonan.

20 Tan-awa, sa dihang si Jesus mitungha, nakita ninyo, si Satanas anaa diha sa pundok sa mga mgatutudlo nga Judio, ug mga rabbi ug mga sacerdote, nagtinguha sa pagsulti kanila sa pagbantay sa kasugoan ni Moises, sa dihang ang pinaka-Pulong miingon nga niana nga adlaw ang Anak sa tawo mapadayag, nakita ninyo, nga Siya magpadayag sa Iyang kaugalingon. Busa sila nagtinguha sa pagsulti kanila, "Kanang bahin sa Pulong husto gayud, apan kining Tawo dili mao kanang Persona." Nakita ninyo unsa ka limbongan siya? Mao kana ang tinuod nga adlaw sa paglimbong.

21 Mao kana kaniadto, ug mao usab karon, si Satanas nagatukod sa iyang gingharian sa yuta. Mao kana gayud ngano nga siya nagabuhat niini, kay siya gusto nga motukod sa iyang kaugalingong gingharian.

Ingon nga usa ka negosyante, kana dili usa ka Cristohanon, siya mohimo sa tanang paagi nga iyang mahimo aron makahimo kanimo nga makakita ug usa ka butang sa sayup nga paagi. Kung siya nakabaton ug usa-usa ka katuyoan ug personal nga ganansya sa paghimo kanimo nga mobuhat niana, maghimo kanimo nga makakita niana nga paagi, siya magapakita kanimo kutob sa iyang mahimo, ug magapahilayo kanimo gikan sa kamatuoran niini, tungod kay siya adunay pagbati ngadto sa iyang kaugalingon lamang. Bisun unsa ka daghan nga siya magabakak ug maglimbong, ug bisun unsa pa, alang kana sa iyang personal nga kaayohan.

22 Ug mao kana ngano si Satanas nagabuhat niini. Ug siya nagabuhat pinaagi sa pagpang-alagad aron makabuhat niini, maingon nga ang Dios nagasaad nga iyang buhaton. Karon, siya nagsugod pinaagi sa usa ka relihiyoso nga paglimbong didto sa Eden, ug nagapadayon sukad niadto.

Dili sa pagtukod ug pundok sa mga komunista. Ang mga komunista walay kalabutan niini. Mao kini ang iglesia, nga inyong pagabantayan, nakita ninyo. Dili ang-dili ang mga komunista ang maglimbong sa mga Pinili. Ang iglesia mao ang maglimbong sa mga Pinili, nakita ninyo. Dili ang mga komunista; nahibalo kita nga sila dili motoo sa Dios, ug sila mga anticristo, seguridad mao sila, diha sa prinsipyo, apan sila dili mao ang anticristo. Ang anticristo relihiyoso, relihiyoso kaayo, ug makahimo sa pagkutlo sa Kasulatan, ug makahimo Niini nga dayag kaayo.

Ug si Satanas naghimo niana balik didto sa sinugdanan, iyang gikutlo ang tanan, "Ang Dios miingon, 'Dili ka mokaon sa tanang kahoy sa tanaman,'" Nakita ninyo, nagkutlo niini sa husto.

Ang babaye miingon, "Oo, mahimong makakaon kami sa tanang kahoy sa tanaman, apan adunay kahoy sa taliwala sa tanaman nga ang Dios miingon nga dili kaonon, kay, bisan sa paghikap niini; tungod kay sa adlaw nga among buhaton, nianang adlaw kami mamatay."

23 Siya miingon, "Oh, dili gayud kamo mamatay. Apan hatagan ko kamo ug hinungdan ngano nga ang Dios miingon niini, tungod kay..." Nakita ninyo, unsa siya karon? Iyang gikutlo kining Kamatuoran, nakita ninyo. Siya miingon, "Makapabuka kini sa inyong mga mata, ug mahibalo kamo sa maayo ug sa dautan. Mahisama kamo sa Dios unya, kung buhaton ninyo kini."

Mao lamang kana ang buot buhaton niya, ug mao usab gayud kanang butanga ang iyang tinguhaon sa pagbuhat karong panahona. Adunay relihiyoso nga paglimbong sukad sa sinugdan sa Eden, ug anaa na sukad pa. Sa panahon ni Adam, adunay paglimbong. Sa panahon ni Noe, adunay paglimbong. Sa panahon ni Jesus, mao gihapon. Ug karon mao gihapon, mao ra nga paagi, usa ka relihiyoso nga paglimbong!

24 Karon, atong mamatikdan ang yuta, sa dihang ang Dios nagbuot niini. Karon, sa dihang ilalum sa pagbuot sa Dios kini... ilalum kini sa Iyang pagbuot. Unya sa dihang si Satanas mipuli, pinaagi sa pagsalikway sa Pulong sa Dios. Ang Dios usa niana ka higayon ang yuta ilalum sa Iyang pagbuot. Iyang gibutang kini sa libotanan sa planeta. Gipahiluna Niya kini. Nabuhat Niya ang tanang butang, nailalum kini sa Iyang pagbuot. Karon atong itandi kana human si Satanas mipuli sa pagbuot niini.

25 Karon, nahimo kini sa Dios sa unom ka libo ka tuig. Wala Niya kini gihimo niana ka dugay, apan Iyang gibuhat kana ka kadugayon. Unom ka libo ka tuig, tungod kay kita gitudloan nga "ang usa ka adlaw sa langit usa ka libo dinhi sa yuta," ug kini unom ka libo ka tuig, kon unom ka adlaw nga ang Dios nagbuhat sa yuta. Karon, miabut kini ug unom ka libo ka tuig nga ang Dios nagtukod niini, nagtanum niini sa maayong mga binhi ug namunga kini ingon sa ilang matang. Ang tanang butang kinahanglan mamunga sumala sa ilang matang. Ang tanan Niyang mga binhi maayo, ug busa mamunga kini sumala sa iyang matang. Ang Dios nagbuhat sa unom ka libo ka tuig.

26 Sa katapusan, sa nabuhat Niya kining tanan, ug sa katapusan kita... sa katapusan miabut sa iyang punoang buhatan, sa yuta, diha sa matahum nga dapit nga napahiluna sa sidlakan sa Eden, nga gitawag tanaman sa Eden. Ang Dios nagbuhat sa punoang buhatan sa kalibutan sa tanaman sa Eden, sa Egipto, sa tumoy sa sidlakan sa Eden mao ang punoang buhatan.

27 Ug ibabaw sa tibook kahimtang, Iyang gibutang ang Iyang anak ug ang asawa sa Iyang anak ibabaw sa tanan niini. Tinuod kana. Mao kana ang gibuhat sa Dios. Iyang gibutang sila diha sa hingpit nga pagbuot. Makahimo sila sa pagsulti ngadto sa mga hangin, ug kini moundang sa paghuyop. Sila makahimo sa pagsulti ngadto sa kahoy, ug kini mobalhin gikan dinhi ngadto didto.

Ang leon ug ang lobo magdungan sa pagpangaon, ug ang karnero mohigda uban kanila. Didto walay daotan. Didto adunay hingpit nga kalinaw, hingpit nga panagduyog, ang tanang butang anaa sa kahingpit, sa dihang anaa kini sa hingpit nga pagbuot sa Dios. Ug matikdi, Siya adunay Iyang... Siya adunay Iyang kalibutan, Siya ang nagpalakaw sa tanan. Gikan Kaniya ang tanang butang. Tanang mga tanum makaon; walay ikamatay, walay mahimong madaot, walay mahimong mapan-os. Walay... Hingpit gayud kadto.

Ug ibabaw niining tanan, Iyang gibutang ang Iyang pinalanggang mga anak, ang Iyang anak nga lalake ug Iyang anak nga babaye, ang bana ug ang asawa, sa pagbuot niini.

28 Ang Dios nalipay! "Ug Siya mipahulay sa tanan Niyang mga buhat, sa ikapito ka adlaw," ug gibalaan kining ikapito nga adlaw igpapahulay alang Kaniya.

Tungod kay, sa dihang gitan-aw kining tanan sa Dios, human sa unom ka libo ka tuig sa pag-umol niini ug pag-ayo niini, sa pagpatungha niini; ug nagbutang ug mga bukid, ug mga butang nga mahitabo sa mga pagbuto niini; nagpauga niini, ug nag-ayo niini sa Iyang pamaagi. Ug kadto usa ka matahum nga dapit.

29 Walay butang nga sama niini, ang dakung paraiso sa Dios! Ug ang dagkung mga dinosaurs, ug unsa pa man, nagakamang niini, ug ang dagkung mga mananap; dili modagmal kanila. Sila sama gayud kaaghop sa mga gagmayng iring. Sila walay bisan unsang butang; walay-walay sakit, walay kaguol; walay bisan usa ka kagaw sa sakit sa yuta. Oh, unsang dapita!

Ang dagkung mga langgam nagalupad gikan sa usa ka kahoy ngadto laing kahoy, ug si Adam motawag kanila pinaagi sa ngalan, ug sila motugpa sa iyang mga abaga ug-ug daw sa mosulti ngadto kaniya. Ug, oh, unsa ka matahum nga dapit ang nabatongan sa Dios!

30 Ug unya nagbuhat ug usa sa Iyang mga kinaiya gikan sa Iyang Kaugalingong Lawas. Ang Dios adunay mga kinaiya diha sa Iyang lawas.

Sama sa, ikaw kinaiya ka sa imong amahan. Ug, imong mamatikdan, ikaw anaa didto sa imong lolo sa imong lolo sa imong lolo. Apan, diha niana, ingnon ta, atong hisgutan ang sama kanimo ug ang sa imong amahan. Karon, wala kay nahibaloan nga bisan unsang butang sa dihang anaa ka sa imong amahan. Ang binhi sa kinabuhi nagagikan sa lalake. Ang lalake adunay dugo nga selula; ang babaye adunay itlog; karon, tungod niana, ang dugo nga selula adunay kinabuhi niini. Ug, tungod niana, sa dihang ikaw anaa sa imong amahan, sa pagkatinuod wala kay nahibaloan mahitungod niini. Apan, bisan pa niana, ang seyensiya ug ang Pulong sa Dios nagpamatuod nga ikaw anaa sa imong amahan, apan ikaw walay kalibutan mahitungod niini.

Apan tungod niana ang amahan nagpangandoy nga makaila kanimo. Ug pinaagi sa pagdugtong sa panaghiusa uban sa inahan, tungod niana ikaw napadayag sa amahan. Karon, ikaw kinaiya sa imong amahan. Ikaw sama kaniya, ug adunay mga bahin sa imong lawas nga sama sa imong amahan.

Karon, mao kana ang paagi sa Dios sukad sa sinugdan. Matag anak nga lalake sa Dios ug matag anak nga babaye sa Dios sa sinugdanan. Dili ka makahinumdom niini karon, apan ikaw atua didto. Nahibalo Siya niini. Ug buot Siya nga mahimo ka aron Siya makigkita kanimo, makighinabi kanimo ug maghiguma kanimo, ug makiglamano kanimo.

31 Dili ka ba buot nga ang imong kaugalingong lawas... Dili ba kini usa ka dakung adlaw sa dihang ang imong anak nga lalake mouli ug molingkod diha sa lamesa? Sa dihang siya mouli gikan sa panggubatan, kon ubang laing butang, may mga ulat, giunsa nimo sa pag-andam sa panihapon; imong giihaw ang pinatambok nga baka, kon bisan unsa pa man, ug giandam alang kaniya! Mao kana ang imong kaugalingong unod ug dugo, siya anaa kanimo kaniadto. Wala ka makaila kaniya kaniadto, apan ikaw nahibalo nga siya anaa didto.

32 Ug busa ang Dios nahibalo nga kita maania dinhi, apan Iyang gibutang kita diha sa unod aron kita mahimong maduolan. Aron Siya makaduol, Siya nahimong sama kanato sa dihang Siya nahimong Jesu-Cristo, ang Anak sa Dios sa Iyang kaugalingon, ang bug-os nga pagpadayag sa Dios. Tungod niana mao kana ang katuyoan sa Dios, sa pagpadayag sa Iyang mga kinaiya diha sa pagpakig-ambit.

Sa dihang ako anaa sa akong amahan, ako walay kalibutan mahitungod niini. Apan sa dihang ako nahimong iyang anak ug natawo gikan kaniya, ako usa ka kinaiya, bahin sa akong amahan. Ug ikaw bahin sa imong amahan.

Ug ingon nga mga anak sa Dios, kita bahin sa kinaiya sa Dios nga anaa Kaniya, nahimong unod sama nga Siya nahimong unod, aron kita makahimo sa pagpakig-inambitay ang usa sa usa, ingon nga usa ka pamilya sa Dios ibabaw sa yuta. Ug mao kana ang katuyoan sa Dios sa sinugdanan. Oo, sir. Mao kana ang gusto sa Dios sa sinugdanan.

Ang tanan ilalum sa Iyang pagbuot. Ug Iyang gibutang ang tawo didto sa tanaman sa Eden, nga adunay kagawasan sa pagpili; miingon, "Anak, kini imo."

33 Unsa ka matahum nga dapit! Ang Dios nalipay kaayo, hangtud nga mibalik lamang Siya ug mipahulay gikan sa tanan Niyang mga buhat. Ang matag kahoy wala gayud mamunga ug mga tunok ug mga kadyapa. Walay lumboy nga nagagikan sa tunokong kahoy. Hingpit ang tanang butang. Hingpit ang tanang binhi. Ang tanang butang anaa sa hingpit nga kahimtang.

Unya sa dihang Siya milakaw aron sa pagpahulay sa makadiyut, ang Iyang kaaway mipayuhot pagsulod uban sa limbong, ug miilog niini, pinaagi sa sayup nga paghubad sa Iyang programa ngadto sa Iyang mga anak. Sa dihang, Siya misalig sa Iyang Kaugalingong anak; maingon sa imong pagsalig sa imong anak nga babaye sa dihang siya mokuyog sa usa ka lalake panahon sa kagabhion; sa dihang ikaw misalig sa imong anak nga lalake sa dihang siya mogula kauban sa palainum nga lalake kon sa tigsigarilyo nga lalake. Nakita ninyo, siya misalig sa Iyang anak nga lalake, nga siya dili mohimo ug bisan unsang sayup, ug magtuman sa tanang Pulong nga Iyang gisulti. Apan ang kaaway mipayuhot pagsulod; sama nianang maigmat nga lalake nga magbinuang sa imong anak nga babaye; kon-kon ubang babaye, mogula kauban sa imong anak nga lalake, ug magbuhat sa mao gihapon nga butang. Nakita ninyo, siya mipayuhot pagsulod. Ang kaaway sa Dios mipayuhot pagsulod ug naghimog sayup nga paghubad sa Pulong ngadto kang Eva.

34 Karon, siya, pinaagi niining pagkahulog, sa iyang kaugalingon miilog ug miangkon sa tanaman sa Eden. Siya miilog niini. Ug karon siya aduna nay unom ka libo ka tuig sa malimbongon nga pagdumala; naglimbong sa katawhan, ang mga anak sa Dios, maingon sa iyang gibuhat kaniadto. Tungod kay, sila adunay kagawasan sa pagpili, sa pagbuhat sa bisan unsang paagi nga gusto nila. Ug sa nagtoo nga ang gibuhat nila husto, kon sa pagsalig nga ang gibuhat nila husto, nan sila miabut sa sayup nga pagbuhat, ug nagbaligya sa ilang pagkapanganay, sama sa gibuhat ni Esau, alang sa kalibutan. Ug si Satanas

nakadaug niini, ug miilog niini. Ug siya aduna nay unom ka libo ka tuig aron sa pagtukod sa iyang Eden, maingon nga ang Dios adunay unom ka libo ka tuig sa pagdala sa Iyang Eden ngadto sa pagtapos. Ug pinaagi sa limbong, limbong sa Pulong, kon sa katawhan, karon nagtukod sa iyang kaugalingong Eden dinhi sa yuta, diha sa sala.

35 Ang Eden sa Dios natukod diha sa pagkamatarung. Ang Eden ni Satanas natukod diha sa sala, tungod kay si Satanas sala. Ang Dios pagkamatarung, ug ang gingharian sa Dios gitukod diha sa pagkamatarung, ug kalinaw, ug Kinabuhi. Ug ang pagtukod ni Satanas gipaagi sa sala, ug, relihiyosong sala.

Matikdi giunsa niya sa paglimbong, ang iyang paglingla, maingon sa iyang giingon nga buhaton. Siya nagsaad sa pagbuhat niini. Aduna bay bisan kinsa nga nahibalo niana? Atong paklion ngadto sa Isaias, kung gusto kamo niining Mga Kasulatan. Kung kamo... Buot ako magkutlo ug dugang daghan pa kanila, sa akong paminaw. Mopakli kita ngadto sa Isaias sa ika-14 nga capitulo, sa makadiyut, ug tan-awon lamang unsa ang gisulti ni Satanas dinhi, sa makadiyut. Sa Isaias 14, atong basahon kini, ug tan-awon kung unsa ang nabuhat niining tawhana. Isaias 14, magsugod sa ika-12 nga verseculo.

Naunsa ang pagkahulog mo gikan sa langit, Oh kabugason, anak sa kabuntagon! Naunsa ang pagkalumppag mgo ngadto sa yuta, nga ikaw man unta ang nagalumpag sa mga nasud!

Ug ikaw miingon diha sa imong kasingkasing: ako mokayab ngadto sa langit, ituboy ko ang akong trono sa ibabaw sa mga bitoon sa Dios; ug ako magalingkod sa bukid nga tigumanan, sa kinatumyang mga dapit sa amihanan;

Mokayab ako sa ibabaw sa mga kahitas-an sa mga panganod; himoon ko nga ang akong kaugalingon mahasama sa Hataas Uyamut.

36 Karon itandi kana dinhi sa atong ubang Mga Kasulatan dinha sa Mga Taga-Tesalonica, dili pa lang dugay, giunsa niya sa pagsulti, "Siya molingkod sa templo sa Dios, nagtuboy sa iyang kaugalingon ibabaw sa tanan nga gitawag nga Dios, busa tungod niana siya ingon nga Dios gisimba ingon nga Dios ibabaw sa yuta."

Mao kana ang dios niining kalibutan nga akong giwali kaninyo sa miaging Dominggo. Ania siya karong panahona diha sa paglingla, nianang mabudhiong takna, nianang makalilisang nga panahon nga atong gikinabuhian. Mao kini ang mahimayaong panahon sa tanang mga kapanahonan, tungod kay kita mopadulong sa dakung Milenyum pag-usab; kita mopadulong sa Eden pag-usab. Apan dinhi niining kapanahonan, ang tanan nga paglingla ug matag taktika nga iyang gigamit ug gihimong panglingla, iyang natapok kining tanan ug nagpalig-on sa iyang kaugalingon; ug migula ingon nga Dios, ug nagbutang sa iyang kaugalingon sa dapit sa Dios; relihiyoso, ug makahimo sa pagkutlo sa Kasulatan ug makatug-an kanimo sa Kasulatan, maingon sa gibuhay gayud ni Satanas ngadto kang Eva sa tanaman sa Eden. Apan nagbilin ug usa ka bahin Niini, ang iyang kinahanglan lamang nga buhaton, sa paghimo nianang kal-ang, diin ang hilo sa doktrina sa yawa makasulod, sama sa Salaan sa tawong naghunahuna nga atong gihisgutan sa miaging gabii.

37 Karon, siya miingon nga iyang ituboy ang iyang kaugalingon ibabaw sa Hataas Uyamut; siya mokayab ibabaw sa mga panganod ug mga bitoon, ug siya molingkod didto sama sa Dios, ug mahimong labaw sa Hataas Uyamut. Ug siya nagmalamposon sa pagpatuman iyang mga hulga. Siya sa pagkatinuod adunay kahibulongang kalamposan sa pagpatuman sa iyang mga hulga, pinaagi sa pagtugot sa katawhan sa iyang sukwahi nga pagpahayag, sa matag kapanahonan, ang bili sa saad sa Pulong sa Dios ngadto nianang panahona. Mao kana ang tukma kung giunsa niya pagbuhat niini. Sa matag kapanahonan, siya nagpahayag Niini nga sukwahi.

38 Sa mga adlaw ni Noe, siya nagpahayag nga imposible nga adunay ulan gikan sa langit, kay, "walay ulan didto sa ibabaw." Ang iyang seyentipikong maayong balita nga iyang giwali didto sa tanaman sa Eden! Makahimo siya sa pagpalupad ug mga instrumento ngadto sa bulan ug pamatud-an nga walay umog didto sa ibabaw. Apan ang Dios miingon nga adunay moabut nga ulan. Ug si Satanas nagmalamposon, ug gihiloan ang hunahuna sa katawhan, pinaagi sa seyentipikong pagdukiduki, nga, "dili kini mahitabo." Apan kini nahitabo. Ang Dios miingon nga kini mahitabo, ug kini nahitabo. Iyang nabuhat.

39 Karon, sa mga adlaw ni-ni Jesus, siya nagbuhat ug mao gihapon nga butang. Iyang gihiloan ang ilang mga hunahuna pag-usab pinaagi sa limbong, nakita ninyo, sa sayup nga paghubad sa Pulong. "Kung Ikaw Anak sa Dios, karon ipakita kanako nga Ikaw makabuhat ug usa ka butang mahitungod niini."

Si Jesus wala nagpahambog ngadto kaniya. Wala gayud Siya nagpahambog. Ang Dios dili hambogiro. Dili siya kinahanglan motubag sa bisan unsang butang nga ipangutana ni Satanas. Siya lamang... Si Jesus miingon, "Nahisulat na, 'Dili ka mabuhi... Ang tawo mabuhi dili sa tinapay lamang, kondili sa matag Pulong nga magagula sa baba sa Dios.'" Nakita ninyo, Siya dili kinahanglan magpahambog kaniya. Dili Siya kinahanglan mohimo ug tinapay. Mahimo Niya kini, apan kung himoon Niya kini, nagpatalinghug Siya sa

yawa, busa Siya kinahanglan dili magpatalinghug sa yawa.

40 Ug usab kini usa ka relihiyosong sala, maingon sa sinugdan, malimbongon kaayo. Tan-awa kini karon. Dili lamang kini lonlon nga matag-adlaw nga sala, pagpanapaw ug pagkahubog, ug paggamit sa Ngalan sa Dios sa walay pulos. Dili mao kana. Dili.

Nahinumdom kamo sa mga tuig nga minglabay, daghan kaninyo dinhi, ang mga karaan, nahinumdom sa akong wali nga giwali, sa, Ang Mga Pagmahay Didto Sa Paghukom. Ang bigaon, dili siya magmahay didto. Nahibalo asa siya mopadulong. Ang palahubog dili magmahay didto. Ang tigpayuhot ug bino, ang sugarol, ang bakakon, ang kawatan, siya dili magmahay. Apan, ang tawo nga naghunahuna nga siya husto, anaa diha ang pagmahay.

Mao kanang tawhana, miingon, miduol ug miingon, "Ginoo, dili ba nagwali man ako sa Maayong Balita, dili ba naghingilin man ako ug mga yawa, sa Imong Ngalan?"

41 Si Jesus miingon, "Pahawa kaninyo... Kanako, kamong mamumuhat ug dautan. Wala ko gayud kamo igkaila." Mao kana ang pagmahay, nakita ninyo, kanang pagkalimbongan.

Mao kana ngano ako sa kanunay... mao kanang dapit nga ako wala masabti. Dili nga buot ako nga malahi. Dili ko buot nga malahi, apan kinahanglan nga ako magmatinud-anon. Ako adunay Mensahe, ug Kana kinahanglan moadto sa katawhan. Sila naghunahuna nga ako nagabatok sa tanan. Mahibalo lamang unta sila, nga ako alang sa tanan, ug ako nagtinguha kutob sa akong mahimo sa pagpakita kanila kung unsa ang Kamatuoran, sama lamang gayud nga nahimutang kini sa akong kasingkasing ug sa paagi nga nahimutang kini sa Biblia dinhi. Ug ang Dios magpamatuod nga mao kana ang Kamatuoran, busa wala nay lain pa nga mahimo mahitungod niini. Busa, kung motan-aw man sila Niini, o dili man.

42 Nakita ninyo, sila dili gusto nga makita Kini, tungod kay ilang gibaligya, nagbaligya sa ilang pagkapanganay ngadto sa ubang organisasyon, ubang denominasyon; sa pagtinguha sa ilang pagkapanganay, aron makaadto sa Langit sa basihanan sa ubang organisadong relihiyon, nga diin si Satanas mao ang pangulo sa matag diyutayng bahin niini. Ang Dios wala gayud nag-organisa ug relihiyon, wala gayud. Ug nahaylo sila ngadto niana, diin sila, pundok sa tawo, naghubad sa Pulong ug miingon nga Kini nagpasabut niini ug Kini nagpasabut niana.

Ang Dios wala nagkinahanglan ug maghuhubad. Siya ang magahimo sa Iyang Kaugalingong paghubad. Wala Siya nagkinahanglan kang bisan kinsa pa sa pagsulti Kaniya unsaon sa pagbuhat niini. Siya mao ang Labing Hataas. Gipamulong Niya kung unsaon Niya sa pagbuhat niini, ug mao kana ang paagi nga kinahanglan Iyang tumanon ang Iyang Pulong. Sa dihang Siya miingon, "Kining mga ilhanan maganunot kanila nga motoo," mao kana ang buot ipasabut Niya. Bisin unsa ang Iyang gipamulong mahitabo gayud, Siya miingon nga mahitabo kini dinhi niining katapusang mga adlaw, nga Siya magabuhat ug mga butang, ug Iyang buhaton kini. Dili Siya mangutana kang bisan kinsa kung panahon na kini o dili. Nasayud Siya kung unsang panahona, ug unsa ang plano.

43 Karon, si Satanas, kining maglilimbong, maingon sa gisulti sa Mateo 24:24, uban sa daku kaayong paglimbong. Karon, atong makaplagnan nga pinaagi sa iyang maayong balita nga mga programa sa kahibalo, labing maayo nga edukasyon, hataas nga mga kalagdaan, sibilisasyon, ug uban pa, naglamat sa katawhan nga buot moalagad sa Dios, ngadto sa pagtoo sa iyang bakak.

Si Eva dili gusto nga mobuhat niana, apan si Satanas nagpakita kaniya unsaon nga kini adunay dugang kaalam niini. Wala siya nahibalo, siya buot nga mahibalo. Siya wala nakasabut, apan nagtinguha nga makasabut. Ug ang Dios nagsulti kaniya nga dili magtinguha nga makasabut.

Unsaon nako pagkasabut sa bisan unsa niining mga butang? Dili ako makasabut kanila. Ako nagatoo kanila. Dili na kinahanglan nga makasabut ako kanila. Ang Dios pagtoo, ug dili kahibalo. Motoo lamang kita unsay Iyang gisulti.

44 Karon, itandi ang Eden sa Dios ngadto sa iya ni Satanas, human sa unom ka libo ka tuig sa pagtuis sa tinuod nga paghubad sa saad sa Pulong sa Dios ngadto sa kapanahonan. Atong itandi kini karon, ug tan-awon asa kita makaadto. Sama sa iyang gibuhad ngadto sa iglesia sa-panahon ni Cristo, ni Jesus, nagtinguha sa pagpugong-pagpugong sa mga anak nga maunongon sa Dios gikan sa pagkahibalo sa Kamatuoran. Salamat sa Dios. Ang Dios nagbutang sa Iyang mga anak dinhi, ang Iyang mga kinaiya, aron sa pagpakig-ambit Kaniya pinaagi sa pagpatalinghug sa Iyang Pulong.

45 Unsa kaha kung ang imong amahan mosulti kanimo, ug ikaw maunongon nga anak ngadto sa imong amahan, ug siya mosulti kanimo, "Anak, ayaw pag-adto dinha nianang tubig aron molangoy, tungod kay adunay mga buaya dinha nianang tubig"; ug ang usa ka tawo moanha, moingon, "Segurado, unsa ka nindot nga tubig ang sama niana, walay mga buaya dinha"? Karon kinsa ang imong patalinghugan? Kung ikaw tinuod nga anak, magpatalinghug ka sa imong amahan.

Ang tinuod nga anak nga lalake kon anak nga babaye sa Dios magtuman sa Pulong sa Dios una sa

tanan. Dili ako manumbaling unsay isulti ni bisan kinsa mahitungod niini, sila motuman sa Pulong sa Dios pag-una. "Adunay hilo diha sa copa," ug sila mitoo niini.

Sa pagbaton sa pagtoo sa tanan Niyang Pulong, ang Iyang mga Kaliwat, naghimo sa usa ka Eden sa pagkabalaan, gugma, ug Kinabuhing Dayon. Mao kana ang nakapatungha sa Eden sa Dios, pagkabalaan. Ug kini nakapatungha sa Eden sa pagkabalaan, sa gugma, kahibalo, pagkahingpit, ug Kinabuhing Dayon. Mao kana unsa ang gitanum sa Dios, ang Iyang Pulong, Iyang Binhi. Mao kana unsa ang mahitabo sa Iyang iglesia sa katapusan; mao ra gihapon nga butang Kini.

46 Matikdi, ania ang usa ka kaisipan. Ayaw hikalimti kini. Akong hisgutan kini sa ubang laing panahon kon sa ubang laing Mensahe. Apan, nahibalo kamo, ang Dios miingon, "Ang matag binhi mamunga ug bunga ingon sa ilang matang." Mao ba kana ang sugo sa Dios? Karon unsay kaayon sa bisan kinsang magwawali, kon bisan kinsa pa, sa pagtinguha nianang Pulong nga mosulti ug ubang laing butang pa? Nakita ninyo, ang matag Pulong sa Dios, usa ka Binhi. Si Jesus miingon sa ingon niini, "Usa ka magpupugas nagsabod ug Binhi." Busa kung ang Marcus 16 mao ang Pulong sa Dios, kini magapamunga ug bunga ingon sa iyang matang. Kung ang Malaquias 4 mao ang Pulong sa Dios, kini magapamunga ug bunga ingon sa iyang matang. Ug ang tanang laing saad kinahanglan magapamunga ug bunga sa iyang matang.

47 Nakita ninyo, tan-awa si Satanas dinhi nga nagtakoban? Siya nagtinguha sa pagsulti, "Dili, dili kana mao." Nakasabut ba kamo niini? [Ang kongregasyon miingon, "Amen."-Ed.] Nakita ninyo, si Satanas miingon, "Oh, Kana dili alang niining panahona. Kana, kana-kana... Kana alang sa laing panahon. Kana, kana wala gani nagsasabut niana."

"Ang matag binhi magapamunga ug bunga ingon sa iyang matang." Mao kana giunsa sa pagtukod sa Dios ang Iyang Eden. Husto ba kana? [Ang kongregasyon miingon, "Amen."-Ed.] Ug dinhi ania kini, mao kana giunsa sa Dios pagtukod ang Iyang Iglesia, matag pulong ingon sa iyang matang! "Ang tawo mabuhi dili sa tinapay lamang, kondili sa matag Pulong nga magagula sa baba sa Dios." Nakita ninyo? Si Satanas, siya magakuha ug ubang butang pa. Apan ang Dios miingon, "Matag binhi ingon sa iyang matang."

Kung ang saad miingon, "Kining mga ilhanan maganunot kanila nga motoo."

Karon ang iglesia moingon, "Magpasakop sa iglesia. Isaysay ang gimemorya nga kredo. Hibalo ang katekismo." Walay mga butang nga sama niana diha sa tibook Biblia.

Apan si Jesus miingon, "Kining mga ilhanan maganunot kanila nga motoo: sa Akong Ngalan ilang pagulaon ang mga yawa; magasulti silag mga bag-ong sinultihan; mamakupot silag mga bitin, ug kon makainom silag bisan unsa nga makahilo, dili sila mangadaut; ang mga masakiton pagapandongan nila sa ilang mga kamot, ug mangaayo sila." Kinsa ba sa bisan kinsang tawo nga magapanghimakak Niana? Nakita ninyo?

48 "Matag binhi magapamunga ug bunga ingon sa iyang matang." Kung ikaw usa ka binhi sa Dios, usa ka kinaiya, usa ka anak sa Dios, nan ang Pulong sa Dios nasabod diha kaniyo. Nakita ninyo? Ug sa dihang imong napatalinghugan ang Pulong sa Dios, "Ang Akong karnero nagapatalinghug sa Akong Tingog; ug dili sila maganunot sa dumoloong." Nakuha ninyo kini? "Tungod niana ang matag binhi magapamunga ug bunga ingon sa iyang matang."

49 Karon atong makaplakan, nga ang matag binhi magapamunga ug bunga ingon sa iyang matang, walay kamatayon diha sa bag-ong... diha nianang Eden. Walay kamatayon diha sa bag-ong Eden. Nakita ninyo, walay, walay bisan unsa pa gawas sa pagkabalaan, kaputli, ug Kinabuhing Dayon.

Karon, pinaagi sa pagkadili matinoohon sa Pulong sa Dios, mao ang nakapatungha sa binhi sa pagkadili balaan sa Eden ni Satanas. Kita karon nakasulod kung diin si Satanas magalingkod sa iyang trono, ingon nga anticristo, sa-sa Eden niining yuta, usa ka Eden sa sala, tinuis nga relihiyon. Wala siya nagsugod diha sa, "Ako si Satanas. Ako mao ang gamhanang manulonda." Dili, dili pinaagi niana, apan sa pagtuis sa Pulong sa Dios. Ug mao kana giunsa niya sa pagdala sa iyang gingharian, sa matag kapanahonan. Ug karon dinhi niining dakung malimbongon nga kapanahonan, andam sa pagkuha sa iyang trono, pinaagi sa iyang katawhan! Siya nagtukod sa iyang kaugalingong utokan, edyukado, seyentipiko nga Eden; Oo, seyentipikong mga magwawali, seyentipikong iglesia, seyentipikong teyologo, tanang butang seyentipiko. Ang tanang butang pinasikad sa kahibalo. Wala kini natukod pinaagi sa pagtoo.

50 Usa niana ka higayon naghimo ako ug panagtigum sa simbahan sa usa ka tawo. Usa kadto ka dakung auditorium didto sa kasadpan. Usa ka maayong tawo, ug siya nanghimakak niining mga butanga nga among gihisgutan. Apan bisan pa niana, siya mao... Nakagusto ako kaniya; maayong tawo, tigulang nga tawo. Sa dihang ang kongregasyon migula... Makalingkod kini ug mga unom ka libo ka tawo. Sa dihang ang kongregasyon migula, sa serbisyo sa hapon, mga usa ka libo ug lima ka gatus, silang tanan maayong pamiste nga mga maalamon. Naglingkod ako didto ug nagtan-aw kanila.

Siya nagwali ug usa ka maayong wali, ang tawo nagwali. Ug unya siya nangutana kung adunay bisan

kinsa nga buot modawat kang Cristo; mopataas lamang sa ilang mga kamot. Ug walay mipataas sa ilang mga kamot. Ug sa katapusan usa ka babaye mipataas sa iyang mga kamot. Siya miingon, "Buyno, karon ikaw usa na ka Cristohanon," ug nagpaandam kaniya alang sa bautismo. Ug unya sa dihang siya migawas... Naghalad siya ug usa ka gamayng bata, mihalok sa gamayng bata ug nag-ampo alang niini, ug gipaluwat ang mananambong.

Sa dihang ang iyang kongregasyon migula; tanan mga maayo, maalamon, edyukado nga katawhan. Unya ako mitindog sa kilid, sa paglamano sa kamot sa tawo ug nanghinaut sa iyang kalampusan, samtang siya migawas.

51 Ug sa dihang akong nabuhat kini, ania miabut ang akong kongregasyon aron mosulod. Dili nila tugotan sila samtang ang iyang katawhan anaa didto. Ania miabut ang akong katawhan, anaa diha sa mga silyang may ligid, sa mga yayongan sa masakiton, binugkosang mga lawas, buang, ug tanang butang pa. Nakita ninyo ang kalainan? Mao kana. Mao kana ang butang nga akong ginahisgutan, nakita ninyo. Nakita ninyo, mao kini ang usa ka butang nga kalainan.

52 Sa dihang, pinaagi sa seyentipikong kahibalo ikaw makahimo sa pagsabut sa Maayong Balita, nga, ikaw, "siya nga motoo kang Jesu-Cristo dili na pagahukman," nakita ninyo.

Apan, "Kining mga ilhanan maganunot kanila nga motoo," nakita ninyo, siya napakyas sa pagbutang Niana didto, nakita ninyo. Siya mitoo kang Jesu-Cristo, siya naluwas, kung kining mga ilhanan maganunot sa magtotoo.

"Ug siya nga magpatalinghug sa Akong Pulong," dili lamang nga naghimo niini, dili magpatalinghug Niini uban sa iyang mga dalunggan, apan, "makasabut Niini." Bisan kinsa makapatalinghug Niini; ang bigaon makapatalinghug Niini ug magpabilin nga bigaon; nakita ninyo, ang palahubog makahimo sa pagpatalinghug Niini; ang bakakon makahimo sa pagpatalinghug Niini ug sa gihapon magpabilin nga bakakon. Apan, "Siya nga makasabut sa Akong Pulong, ug motoo Kaniya nga nagpadala Kanako, adunay Kinabuhing Dayon." Mao kana, nakita ninyo.

Ug walay tawo nga makahimo sa pagbuhat niana gawas ang Dios nagtagana nang daan kaniya. Si Jesus miingon, "Walay tawo nga makaanhi Kanako, gawas kung ang Amahan magdani kaniya, ug ang tanan nga gikahatag sa Amahan Kanako moanhi Kanako." Amen. Kining tanan mao ang labawng kamandoan ug pagkahibalo nang daan sa Dios. Siya nagpuyo nga nag-inusara lamang ug walay bisan kinsa nga magasulti Kaniya unsay buhaton.

53 Karon, pinaagi sa pagkadili matinoohon, sa walay pagtagad sa tanang Pulong sa Dios, maoy nakapatungha sa binhi sa pagkadili matinoohon, dili balaan, makasasala, pagdumot, ug hangtud sa kahangturan nga kamatayon ang anaa niining makasasala, maalamon nga kapanahonan sa iglesia. Karon nakuha ninyo? Dinhi niining panahona, nga sa dihang ang tibook kalibutan nahimong relihiyoso! Nahibalo ba kamo niana? Relihiyoso ang tibook kalibutan. Ug dinhi niining relihiyosong kapanahonan, dagkung mga simbahan sa matag kanto; tanang butang, ang tibook butang mopadulong ngadto kang Satanas nga pagasimbahan. Mao kini dinhi, dinhi gayud sa Biblia. Tinuod kana. Ug dinhi niining maalamon, teyolohikanhong mga seminaryo nga mopalugwa sa maalamong tawo nga gibansay unsaon sa pagpamulong, unsay buhaton, unsaon sa paghimo sa ilang mga pagbati; ug tanang butang sama sa sikolohiya, tulo ug upat ka tuig, aron mahibalo unsaon sa pag-atiman sa hunahuna sa tawo. Nakita ninyo, mao kini...

Ang Espiritu sa Dios dili ubang butang nga, ikaw, kini magmatuto sa sulod nimo. Kini usa ka butang nga gipili nang daan sa sulod nimo, pinaagi sa kamot sa Labing Gamhanan nga Dios. Ang imong mga kasinatian dili makamatuto kon makatudlo kanimo. Kini gipili nang daan, pinaagi sa kamot sa Dios ug pagkahibalo nang daan sa Dios, ngadto kanimo. Tinuod kana.

54 Karon, kini mopatungha niining dakung Eden nga karon ilang gikinabuhian, usa ka Eden sa iglesia sa kalibutan. Silang tanan nagkahiusa karon sa dakung Ekumenikanhong Konseho, ug makabaton ug iglesia sa kalibutan ang tanan ilalum sa usa ka pangulo, diin si Satanas magahari, sa tinuod gayud.

Ug sa dihang ang katapusang pagtawag ipakanaug, sa pagsakgaw sa Pangasaw-onon sa dili pa Siya makasulod ngadto niana. Kay sa dihang makasulod siya niana, mamarkahan siya sa marka sa mananap, ug maalaot, dili na gayud siya makagawas gikan niini. Mao kana ang hinungdan, miingon, "Gumola kamo gikan kanila, Akong katawhan," sa dili pa kini modangat ngadto kaniya, nakita ninyo. "Gumola kamo gikan kanila, ug magpalain."

55 Karon, ang pagdumot ug kamatayon, ug ang walay katapusang pakigbulag sa Dios, dinhi niining Eden; kailibgon, kalaw-ay, pagtuis, (unsaon?) pinaagi sa pagsabod sa sayup nga binhi.

Nagpahinumdom kanako sa panan-awon nga akong nakita sa wala pa nako nahinagbo ang katawhang Pentecostal, mahitungod nianang Tawo nga milibot sa kalibutan, sa maputing bisti. Inyong nadunggan ako nga nagsugilon niini sa makadaghang higayon. Ug ang usa nga misunod sa iyang luyo,

nagsabod ug binhi sa pagkasumpakiay.

Apan siya nagmadaugon niini sa dayag, diha kang Eva... sa tanaman sa Eden, pinaagi sa kailibgon ni Eva alang sa sala; ang kailibgon ni Eva, sa sala. Tungod niana, kung si Eva naibog sa kahibalo, kana usa ka sala.

Ug sa dihang kita maibog alang sa kahibalo, gusto nga makabaton ug Ph.D., LL.D., kini usa ka sala sa pagbuhat sa ingon. Kana makusganon nga mga pamahayag, apan mao kana ang Kamatuoran. Bisan unsa ka makusganon kini, sa gihapon mao kana ang Kamatuoran, nakita ninyo. Sa pagkaibog alang sa kahibalo, kinaadman!

Ang butang mahitungod niini, mao, karong panahona kita wala magtinguha sa pagpahiluna sa Pulong sa Dios diha sa kasingkasing sa katawhan. Nagtinguha kita sa pagpahiluna sa atong kaugalingon. Ang mga kasimbahanan nagtinguha sa pagpahiluna sa doktrina sa simbahan, diha sa kasingkasing sa tawo.

Kita gisugo sa pagpabarug sa Pulong sa Dios. Si Pablo miingon, "Wala ako moanhi kaninyo uban sa madanihong mga pulong sa tawo, aron ang inyong pagtoo magasalig diha sa kahibalo sa tawo; apan ako mianhi kaninyo diha sa gahum; diha sa pagpadayag sa Espiritu Santo, aron ang inyong pagtoo mahamutang diha sa Dios."

56 Ang tawo kinahanglan dili magpabarug sa iyang kaugalingon. Atong makaplagaan kini taliwala... Kung ang Dios nga magabuhat ug usa ka butang alang sa usa ka tawo ug ipadala siya, imong makaplagaan ang matag-usa ka tawo magtinguha sa pagsundog niini. Nakita ninyo, nagtinguha sila sa pagpabarug sa ilang kaugalingon. Matag-usa ka tawo, "Ako ang nagbuhat niini. Kanako, ako, akoa, akong denominasyon, ako, kini," nagpabarug sa ilang kaugalingon. Unsa ang atong ginawali, ang atong kaugalingon kon ang Gingharian sa Dios?

Ipabarug ang Pulong sa Dios. Kuhaa ang pagkadili matinoohon ug ipabarug ang Gingharian sa Dios diha sa kasingkasing sa tawo. Ug ang Gingharian sa Dios dili mapabarug diha sa kasingkasing sa tawo gawas kung ang Dios naghimo sa tawo sa ingon niana. Siya dili mapabarug diha sa...

Ug, hinumdomi, ang malimbongon nga bahin, kanang tawo nga naghunahuna nga siya husto. "Adunay dalan nga daw matarung sa usa ka tawo." Ang matag maalamon naghunahuna nga daw matarung.

57 Sa akong gikasugilon kaninyo sa pipila ka mga Dominggo nga milabay; sa dihang ako misud-ong sa akong himalasyon nga bata, ug si Satanas nagabarug didto ug miingon, "Anaa ang imong amahan, nga namatay sa imong mga bukton sa miaging gabii. Anaa ang imong asawa nga naghay-ad didto sa-sa hayaanan sa patay, ug ania ang imong bata himalasyon. Ug ikaw nangamuyo nga tubagon ikaw, ug Siya nagbitad sa imong... Iyang gibitad ang tabil sa ibabaw nimo. Karon, ug bisan pa niana Siya usa ka maayong Dios, ug bisan pa niana ikaw miingon nga Siya usa ka Mananambal. Ug ikaw, nga nagabarug kung unsay imong ginasulti mao ang husto, ikaw nasayup." Oh, matag katarungan, matag kaisipan kinahanglan mouyon niana nga kana husto; ug siya husto, niana gayud.

Busa siya husto sa dihang siya nagsulti kang Eva, "Mangabuka ang inyong mga mata, ug kamo mahibalo sa maayo ug sa dautan. Ug kamo mahisama sa mga dios, nianang paagi, nga makahibalo sa maayo ug dautan," tungod kay ang Dios wala pa magtugot kanila nga makakita sa ilang kaugalingon, nga sila mga hubo. Busa sila nasayud nga sila mahibalo sa maayo gikan sa dautan; ug siya husto. Apan, inyong makita, kini sukwahi ngadto sa Pulong sa Dios.

58 Ug mao usab ang gibuhat sa mga ministro diha sa mga seminario, nagtuon sa hinimog tawo nga teyolohiya; kini daw husto, tingali kini mahimong maayong pagsabut sa butang, apan kini sayup.

Dili kinahanglan nga makasabut kita Niini. Motoo kita Niini tungod kay ang Dios miingon sa ingon niini, ug mao na kana hangtud sa kahangturan. Ang tibook butang, mao kana ang paagi sa pagtoo Niini.

Oh, giunsa ni Eva sa pagkaibog nga makaangkon ug Ph.D., nakita ninyo, giunsa niya sa pagkaibog nga mahimong maalamon kay sa unsa siya!

59 Karon matikdi unsa ka magkasama gayud, ang tawo ug ang iyang asawa... Karon matikdi, ang tawo ug ang iyang asawa, silang duha mga hubo didto sa tanaman sa Eden, ang Eden sa Dios.

Karon ako magatapos. Ako miingon nga ako magapugong kaninyo sa pipila lamang ka mga minuto. Tan-awa, bantayi karon, samtang magatapos.

Itandi kini karon, unsa ka managsama gayud kanang tawo ug ang iyang asawa, silang duha didto sa tanaman sa Eden, nga walay usa ka tahi sa mga saput diha kanila, ug wala mahibalo niini. Kay ngano nga sila wala mahibalo niini? Kay sila gitaptapan sa ilang pamalatian sa pagkahubo, pinaagi sa Balaan nga tabil, sa Espiritu Santo. Sila mahimong makatan-aw sa matag-usa kanila, ug sila dili mahibalo nga mga hubo. Sila gitabilan sa Espiritu Santo, sa pagkabalaan. Sila mga hubo.

60 Ang tabil sa Dios, bisan pa niining panahona, mahimong makatan-aw ug dili maibog. Sila molingiw sa ilang ulo. Kini mao ang Balaan nga Tabil, nakita ninyo, Balaan nga Tabil. Ang Dios naghimo sa ilang mga mata... silang duha pulos, ang usa lalake ug ang lain babaye, ug sila wala mahibalo nga sila mga hubo, tungod kay ang pagkabalaan sa Dios naghimo sa ilang mga mata nga natabilan. Matikdi, ang Dios nagtago sa ilang konsensya gikan sa sala, pinaagi sa Balaang Tabil.

Hinaut nga kita adunay ubang panahon sa pagpahiluna niana, sa pipila ka mga minuto. Tan-awa dinhi, "Kay siya, ang magsisimba tapus sa makausa nahinloan, wala nay pagbati sa sala." Ang sala milabay na gikan kaniya.

61 Akong nadunggan si Igsoong Neville nga miingon, ganhang buntag; tingali dunay nangutana kaniya ngano nga wala ko magwali mahitungod sa Espiritu Santo, ngano nga wala nako buhata kini. Mao kini. Ang Espiritu Santo mao ang kalihokan diha kaninyo. Kini usa ka Kinabuhi, dili usa ka pagbati; dili ubang matang sa unodnong abedinsya. Apan Kini usa ka Persona, si Jesu-Cristo, ang Pulong sa Dios nga napahiluna sa inyong kasingkasing, aron mahatag ug kinabuhi sa matag Pulong niining kapanahonan. Husto. Bantayi ang Espiritu Santo nga nagalihok, dili sa daghan kaayo nga pagpasundayag; apan, sa paglihok, unsay pagabuhaton Niini sumala sa Pulong.

Matikdi karon ang Espiritu Santo, sa Balaang Pulong sa Dios, adunay usa ka lalake ug babaye nga mga hubo, ug wala mahibalo niini. Unsa ka matahum, ang Kinabuhi sa Pulong; ang Binhi, ang Pulong!

62 Ang Dios miingon, "Adunay kahoy sa taliwala sa tanaman, ang babaye. Ug diha sa taliwala sa tanaman mao kining kahoy; ayaw gayud paghikap niini. Kay, sa adlaw nga mokaon ikaw niini, nianang adlaw ikaw mamatay." Sila balaan nga gitabilan gikan niini, wala mahibalo sa bisan unsang butang mahitungod niini, dili mangahas sa paghikap niini.

Sila balaan nga gitabilan. Sila luwas diha sa pabilyon sa Dios. Sila buhi. Sila walay kamatayon sa ilang palibut. Hallelujah! Sila adunay hingpit nga gugma alang sa matag-usa, hingpit nga Kinabuhi hangtud sa kahangturan. Sila adunay hingpit nga gugma, hingpit nga pagsabut sa gugma sa Dios. Sila adunay Pulong sa Dios, ug nagtuman Niini. Ug sila mga buhi ug luwas diha sa Eden sa Dios, nga walay kamatayon gayud sa ilang palibut.

63 Unya, si Satanas nakapahimo kang Eva nga maminaw sa iyang maayong balita sa teyolohiya, ang maayong balita sa kahibalo, hataas pa nga pagtuon, hataas pa nga mga kalagdaan, labing maayo nga sibilisasyon, hataas pa nga edukasyon, ug uban pa; unya sa dihang iyang nakuha... ang babaye sa paghunong ug nagpatalinghug kaniya sa makadiyut, ngadto sa iyang mga katarungam (nga diin kita gisugo sa pagsalikway), sa dihang iyang nadani siya sa pagpatalinghug niini.

"Karon, tan-awa dinhi, ang simbahan mao kini-ug-mao kana. Kini natukod na sa dugayng panahon. Kami ang usa sa pinakakaraan nga simbahan sa nasud. Ang mayor sa syudad nagatambong." Dili ko igsapayan kung unsa man kana, nakita ninyo. Kung kana batok sa Pulong sa Dios, kana kabatok niini. Mao kana ang imong kaaway. Ang bisan unsang butang nga kabatok sa Pulong mao ang imong kaaway.

Ang tanan nga modapig sa Pulong mao ang imong igsoon. Siya bahin kanimo.

64 Matikdi, iyang gibira ang Balaang Tabil, aron makita unsa gayud ang sekso; itandi kana, unsa gayud ang buhaton sa pangibog. Iyang gibira ang Tabil gikan sa iyang mga mata, ang balaang butang nga ang Dios nagbutang sa iyang mga mata. Nagkinahanglan siya ug kahibalo, sa pagkahibalo kung unsa kining tanan; busa iyang gibitad ang Tabil aron makakita kung unsa ang mahitungod niining tanan. Nagpatalinghug siya ngadto sa yawa, ug matikdi unsa ang dapit nga iyang nasudlan.

Sila nagbuhat sa mao gihapon nga butang diha sa matag kapanahonan, human niadto, sa kanunay nagkuha sa maalamon sa dapit; ug karon nakatukod sa gingharian ni Satanas, ang kahibalo, ang iyang binhi nga iyang gipugas, ug nagdala sa kalibutan ngadto sa pagkahimong Eden sa kamatayon.

65 Karon matikdi. Karon tan-awa ang Mga Pinadayag 3, ang Kapanahonan sa Iglesia sa Laodicea. Hunahunaa kini diha sa imong kaisipan.

Karon matikdi. Siya, si Eva, mao ang rayna ni Satanas. Nakita ninyo, si Satanas, ang bitin, nakaduol ngadto kang Eva sa wala pa si Adam nakaduol kaniya, nakita ninyo; busa si Satanas, ang bitin, mao ang bana ni Eva sa wala pa si Adam nakaila gayud. Nakita ninyo, si Satanas naglimbong sa babaye. Ang Biblia miingon nga gibuhat niya kini, ug tungod niana ang babaye nahibalo nga siya hubo. Nakita ninyo?

66 Karon tan-awa ang-ang Kapanahonan sa Iglesia sa Laodicea. Siya, si Eva, nagalingkod ingon nga rayna ni Satanas. "Siya datu sa kalibutanong mga butang; buta, hubo pag-usab, ug wala nahibalo niini," sama lamang gayud didto sa Eden sa Dios. Apan karon, dili tungod nga ang Balaang Tabil nagtabon sa iyang nawong, apan ang tabil sa pagkaibog. Nga, siya nagbitad sa Balaang Tabil sa Dios, ug nagbutang sa tabil sa kahibalo, alang sa pagkaibog. Ug karon siya adunay tabil sa pagkaibog, nga siya "buta" ngadto niini ingon nga sala. Siya "hubo" diha sa kadalanan, "ug wala nahibalo niini." Siya usa ka bigaon

diha sa kadalanan. Mga babaye nga nagasuot niining mga shorts, diha sa panan-aw sa Dios, usa ka bigaon, "ug wala nahibalo niini."

67 Matikdi, hisgutan nato ang mga babaye. Karon, kung buot kamo makakita unsa ang kahimtang sa nasudlan sa iglesia, bantayi ang paagi sa paglihok sa mga babaye. Siya sa kanunay nagrepresenta sa iglesia. Sa Eden ni Satanas, sa sala ug pagkadili matinoon, usa ka relihiyosong pagtuis; tinuis nga gingharian. Inay sa pagdawat sa Pulong sa Dios, sila midawat sa maalamong kahibalo sa tawo. Ug inay sa pagdawat sa Iglesia, ilang gidawat ang organisasyon, ug sila nagdala niini ngadto sa usa ka dakung pangulo.

68 Karon matikdi, gituis gikan sa pagkawalay sala. Ayawg sipyata kini karon. Ang iglesia nakasuot na niining tabil sa pagkaibog. Matikdi unsay gibuhay niini ngadto kaniya. Kini-kini nagtuis kaniya gikan sa pagkawalay sala ngadto sa kahibalo. Nakita ninyo? Sa Balaang Tabil, siya walay sala; uban sa tabil sa pagkaibog, siya kahibalo. Siya nahibalo nga kini makalipay. Siya nahibalo unsay mabuhay niini, nakita ninyo. Kini usa ka bunga, usa ka kahoy nga takus tinguhaon, makapahimo nga maalamon. Nakita ninyo? Siya gituis gikan sa pagkawalay sala ngadto sa kahibalo, gikan sa pagkabalaan ngadto sa kahugawan ug pagkaibog, ug gikan sa Kinabuhi ngadto sa kamatayon.

Kining gingharian kinahanglan mamatay. Kining gingharian mamatay! Ang Dios sa Langit magalaglag niini gikan sa nawong sa yuta.

69 Matikdi, dinhi niining pagtuis, kini nahimong gikan sa lalake ngadto sa babaye, ug gikan sa babaye ngadto sa lalake, "ug wala mahibalo niini." Ang maayo kaayo nga produkto sa Eden ni Satanas, kung inyong tan-awon ang mga kadalanan karong panahona, sa atong moderno nga katawhan.

70 Matikdi, mao kadto si Eva nga gigamit ni Satanas aron makahimo ug sala si Adam pinaagi sa gahum sa kaibog. Karon mao gihapon, nagabuhay sa mao ra gihapon nga butang karong panahona. Matikdi, pinutlan nga buhok, pininturahan nga nawong, seksi nga saput, nakita ninyo, siya nagbuhay niana, ug wala mahibalo nga ang matag-usa nianang mga butanga sukwahi ngadto sa Pulong sa Dios. Sa pagpaputol sa iyang ulo, kana nakapahimo kaniya nga daut ug dungog nga babaye, usa ka bigaon. Sa pagsuot ug mga short, nagbutang kaniya sa pagkamakauulaw. Pagsuot ug mga seksi nga pamiste, nakapahimo kaniya nga usa ka bigaon. "Ug siya wala mahibalo niini," dili tungod sa pagkabalaan sa Dios; tungod sa kaibog ni Satanas. Nakapahimo kaniya... Siya nakapahimo kaniya kang Adam nga maibog kaniya.

71 Iyang gihukas ang saput nga gipasuot sa Dios kaniya, balik didto sa Eden, alang sa iyang panaw latas niining-niining kamingawan. Siya naghukas niini. Siya naghubo sa iyang kaugalingon. Sa dihang, ang Dios nagtabon sa tibook niyang mga panit; siya nagsugod sa pagputol ug gamay sa matag panahon, karon siya mibalik kung diin siya sa sinugdan

Karon iyang napasuot ang iyang Adam sa iyang mga saput pang-ilalum. Ang lalake nga nagasuot nianang gamayng bayot-tan-awon nga mga short, ug mogula dinhi, ambut lang kung aduna pa bay pagkalalake kaniya. Siya ang pinaka-labing daku nga bayot nga akong nahibaloan. Nakita ninyo? Tan-awa, iyang napahimo ang iyang natuis nga Adam sa paglihok sama kaniya, nakita ninyo, nagasuot sa iyang pang-ilalum nga saput. Iyang nakita kung unsay iyang mahimo sa unahan sa dihang iyang gihukas tanan ang iyang mga saput bisan pa ang iyang mga suot pang-ilalum. Mao kana ang mga short. Sa pagkatinuod, mao kana ang suot pang-ilalum sa babaye, ug dinhi ang iyang Adam nagasuot niini karon. Nga, sumala sa orihinal nga Pulong sa Dios, "Usa ka dulomtanan alang sa babaye ang pagsul-ob sa bisti nga iya sa lalake, ug sa lalake nga magsul-ob sa bisti nga iya sa babaye," gikan sa orihinal nga Pulong. Hunahunaa kini!

72 Karon, ang lalake karon aduna nay bangs, usab. Ginasudlay nila, magbutang ug pangpakolot niana. Ang ubang makahatag ug sakit talan-awon nga akong nakita sa akong kinabuhi, mao ang uban nianang mga bata gikan dinhi karong panahona adunay mga bangs nga ginasudlay sama niini, ug gina-koloran, bulaw nga buhok, nga gigamitan ug ubang matang sa peroxide kon ubang butang, ug nagpabulaw sa ilang buhok, ug gipakolot, naghimo ug mga bangs. Kamong mga dagkung bayot! Mao kana ang makalilisang nga butang nga isulti gikan sa pulpito, apan ang paghukom magasugod sa balay sa Dios. Dili ka na gani mahibalo kung ikaw lalake ba kon babaye. Ug ako nahibalo nga ang atong Tinipong Nasod sa Amerika nga kasundalohan sa sunod magasul-ob na ug mga short. Tinuod kana. Nakita ninyo unsa ang pagtuis? Mao kana ang mga bisti sa babaye; magasuot sa iyang mga bangs.

73 Sa miaging adlaw ako nakadto sa, Howard Johnson; dili kining usa dinhi, apan ang usa didto sa dalan pagula. Ug ako nakalingkod lamang uban sa katingala. Ania miabut ang usa ka gamayng batang lalake, nagabuka ang iyang baba. Ug siya adunay itom nga buhok dinhi, ug kini gisudlay paingon dinhi; ug nagbutang ug pangpakolot diha niana, ug gipakolot paibabaw, sa ibabaw sa iyang mga mata; gipalibot ibabaw sa iyang mga mata. Akong nakita gayud ang pagtuis! Nakita ninyo, siya dili makatoo niini. Tingali siya makapamatuod nga siya lalake, apan diha sa iyang espiritu siya usa ka babaye. Wala siya masayod kung asa nga dapit sa balay siya nasakop. Tinuod kana. Giunsa sa pagtuis!

Mao kana ang gibuhat ni Satanas. Iyang gituis ang mga nasod. Iyang gituis ang iglesia. Iyang gituis ang katawhan. Siya usa ka maglilimbong, magtutuis sa orihinal nga Kamatuoran.

Ang Dios nagbuhat sa lalake nga lalake. Siya nagbuhat sa babaye nga babaye. Ug Siya nagbisti kanila nga managkalahi, ug buot Niya nga magpabilin sila niana nga paagi ug sa paglihok niana nga paagi; ang usa binabaye ug ang usa linalake. Iyang gibulag si Adam didto sa tanaman sa Eden, ug gibuhat kini, gibulag si Eva gikan kaniya.

74 Karon nagsuot sa iyang bangs; ang babaye nagputol sa iyang buhok sama kaniya, ug siya nagtinguha sa pagsul-ob sa iyang bisti sama sa babaye. Nakita ninyo? Ang babaye nagsul-ob sa panggawas nga bisti sa lalake, ug ang lalake nagsul-ob sa pang-ilalum nga bisti sa babaye. Karon, kana pamation nga mapasipad-on, apan wala ako nagpasabut niana nga paagi. Mao kana ang hingpit nga Kamatuoran sa Maayong Balita. Kung ikaw wala mahibalo niini, nan adunay usa ka butang nga sayup diha kanimo; ikaw buta kon wala pa gayud nakaadto sa kadalanan. Ug ang babaye naghunahuna ug ang lalake naghunahuna nga husto kini, sila mopaingon sa usa ka dapit nga magkakuyog.

Ang mga babaye moingon, "Buyno, init kaayo!"

Ang karaang mga Indian nga Apache didto sa unahan makahimo kanimo nga maulaw sa imong kaugalingon. Sa dugang kainit nga ilang makuha, dugang mga bisti ang ilang isul-ob, aron dili sila mainitan sa adlaw; oh, maghimo niini nga sington, aron aduna kay air-conditioner samtang sila nagalakaw. Nakita ninyo? Sila mobarug atubangan sa adlaw.

75 Dili ka makabarug kung wala kay bisan unsang butang; ikaw mapaslot kondili masunog. Apan, inyong makita, mao kana ang inyong ginatawag nga labawng edyukasyon. Moderno nga seyensya ang nagpalugwa niini. Oh, tan-awa! Anaa ang babaye, "hubo," diha sa Laodicea, "ug wala mahibalo niini."

Ang babaye hubo didto sa Eden. Nakita ninyo ang pagkapareha sa duha ka gingharian? Ang usa iya sa sala ug kamatayon; ang laing usa mao ang Kinabuhi ug pagkamatarung. Didto siya gitabilan sa usa ka Balaang Tabil. Silang duha pulos mga hubo, sila wala mahibalo niini. Sila walay nahibaloan sa bisang unsang butang mahitungod niini, tungod kay sila gitabilan sa Espiritu sa Dios.

Ug dinhi sila gitabilan sa kailibgon, ug sila magtinan-away ang usa sa usa aron... Nakita ninyo, si Adam makahimo sa pagtan-aw kang Eva, ug wala mahibalo nga si Eva hubo. Apan karon uban niining tabil sa kaibog, ang babaye wala makaamgo nga siya hubo, apan gibuhat niya kini ilalum niining tabil sa kaibog aron ang lalake makahimo sa pagtan-aw kaniya. Mao lamang kanang butanga nga iyang mahimong mabuhat alang niini. Dili ka makatoo niana, apan bisan pa man ikaw nagbuhat niini, ug ang lalake motan-aw. Ug iyang makaplagaan nga ikaw madanihon kaayo, hangtud nga siya moduol ug mosul-ob sa uban nimong bisti ngadto sa iyang kaugalingon.

76 Oh, unsa ka pagtuis! Unsa ka kapanahonan! Unsa ka panahon nga kita... Unsa ka limbongan kini! Oh, tanan niining mga butang, "ug wala mahibalo niini," usa ka hingpit nga pagkatuis nga espiritu diha sa lalake. Siya gitabilan sa kaibog ni Satanas, ug ang babaye, usab. Usa kini ka satanasnon nga espiritu sa usa ka dakung katilingban. Nakita ninyo, sila wala mahibalo, apan sila usa ka organisasyon. Mga babaye nga nag-short, nasakop sa usa ka organisasyon. Ang lalake nga nagbisti sama niana, anaa sa usa ka organisasyon. Akong ihatag kaninyo ang minugbo niini, B.S.S., (Big Sister Society) Katilingban sa Dakung Igsoong Babaye, busa mao kana kung asa sila nasakop. Gumola kamo gikan dinha, usa ka katilingban sa dakung bayot, nga may gamayng pantalon nga ginasul-ob, tan-awon murag dakung karaang bukogon, mahugawng tan-awon nga butang. Ako-ako...

77 Tawo, karon tingali ikaw dili mouyon kanako uban niini, apan mao kana ang Kamatuoran. Ikaw natuis ug wala mahibalo niini. Ikaw dili, ayaw na gayud paglihok sama sa usa ka lalake. Nakita ninyo, moduol nga luyat kaayo; ug, ang ilang anak nga lalake, mahimong walay nay pulos gayud ngadto kanila; ang lalake, ug mga babaye, usab. Sila usa ka katilingban. Mao kana ang usa ka organisasyon. Ngano? "Si John, ang silingan, nagsul-ob ug short, ngano nga dili man ako makahimo? Si Luella gusto nga magpasul-ob niana kanako tungod kay si John nagsul-ob niana, ang silingan. Ug, buyno, kung-kung si Susie Jane makahimo sa pagsul-ob niana, busa si Martha Jane makahimo sa pagsul-ob niana, kon si Susie Lou," kon kinsa pa man ang iyang ngalan, nakita ninyo. Tan-awa, kini usa ka katilingban. Kana usa ka organisasyon. Sa epirituhanon ikaw nasakop niini, ug wala mahibalo niini.

78 Ug kung mao man kana, ug atong nakita nga mao kini, tungod niana ikaw nabuta. Ikaw nabuta ngadto niining mga denominasyon nga si Satanas nagtuis kanimo pasulod. Ug mao kini ang pagtuis sa orihinal nga Pulong sa Dios, ug sa Iyang Gingharian, ug sa Iyang plano alang sa Iyang mga anak. Si Satanas mituis sa mga lalake ug mga babaye ngadto niining mga butang, ug sila wala mahibalo niini. Usa ka pagtuis!

Dili na usa ka anak nga lalake sa Dios! Bangs nga nagabitay sa iyang nawong, ug usa ka paris sa short nga gisul-ob, nagalakaw sa kadalanan; usa ka anak sa Dios, diyakono sa simbahan, usa ka pastor

diha sa pulpito? Dili, dili kana usa ka anak sa Dios. Siya wala gayud makaagi sa Salaan sa panghunahuna sa Dios. Siya nga lalake dili mosul-ob sa bisti nga iya sa babaye; oo seguridad nga dili siya; ni siya nga babaye dili usab magasul-ob sa bisti nga iya sa lalake. Nakita ninyo, kana dili mao ang anak sa Dios. Kana anak nga lalake ni Satanas, ug anak nga babaye ni Satanas. Malisod nga butang nga isulti!

79 Si Satanas nagmalamposon sa pagtuis ug sa pag-ilog niining kalibutan, ug naghimo niini nga iyang gingharian; nga ang tawo nga gibutang, pinaagi sa kagawasan sa pagpili, sa pagpili sa ilang kaugalingon sa unsang matang sa kinabuhi nga ilang gusto. Ug kana nagpakita kung unsa ang anaa sa inyong kasingkasing. Nakita ninyo? Ang inyong tingog... Nahibalo ba kamo kung unsa? Ang inyong mga lihok misulti sa kusog kaayo, kini naglumos sa inyong tingog.

Tugoti ako sa pag-adto sa usa ka lalake. Ug moingon, "Oh, ako... Kitang tanan mga Cristohanon. Kita nasakop sa simbahan." Ug makita ang hubo nga mga hulagway nga nagabitay sa tibook opisina niya? Dili kini makahimo ug kalainan sa unsay iyang gisulti kanako, nahibalo ako labaw pa niana; maingon man ikaw.

Pasagdi ang mga babaye nga moingon nga siya usa ka Cristohanon, uban sa mubo nga buhok? Huh-uh! Nahibalo kamo labaw pa niana, nakita ninyo. Oo, sir. Pasagdi siya nga moingon nga siya Cristohanon, naga-papintura ug nag-make-up, nag-short, ug moingon nga siya Cristohanon? Nahibalo kamo labaw pa niana. Ang Pulong miingon dili siya makahimo niana ug mahimong Cristohanon. Siya gani dautan ug dungog, ug ubang butang pa. Unsaon sa pagbutang sa Dios sa usa ka dautan ug dungog diha sa Iyang gingharian? Dili, sir, dili gayud. Dili, sir. Sa ilang kaugalingon, sila nagpakita sa ilang tinguha.

80 Dili ka makahimo sa usa ka salampati nga mokaon kauban sa buitire, dili gayud. Ang salampati wala gayuy apdo. Dili siya makakaon nianang dubok nga unod. Kung mokaon siya niini, kini makapatay kaniya, ug siya nahibalo niini. Apan ang buitire makahimo sa pagkaon sa halos tanan nga iyang gusto. Nakita ninyo? Siya adunay daghang apdo

Busa tungod niana imong makaplagan nga, mao kana ang paagi sa kalibutan karong panahona, mao ra nga butang, "Sila mga hubo, buta, ug wala mahibalo niini."

81 Si Satanas nagbuhat niini pinaagi sa kaibog sa babaye alang sa kahibalo, alang sa sekso, nga iyang gipili pinaagi sa iyang kaugalingong pagpili. Karon matikdi, si Eva ang naggiya kang Adam sa pagbuhat ug sayup, ug ang babaye mao naghubo sa iyang saput sa wala pa ang iyang Adam naghubo sa iyaha. Nakita ninyo? Ang babaye, sa kanunay. Mao kana sa kanunay ang nahitabo. Sa gihapon mao ra nga paagi.

Ang iglesia ang naggiya sa lalake nga mahisalaag. Mao kana ang iglesia, nakita ninyo, mao kana ang naggiya sa lalake nga buot nga mahimong anak sa Dios. Mao kana ang babaye, ang iglesia. Dili ang Biblia, ang Dios, kay ang Biblia mao ang lalake. Oh, oo, "ang Pulong nahimong unod," ug Siya usa ka Tawo. Nakita ninyo? Ang Biblia usa ka lalake; ang iglesia mao ang babaye. Nakita ninyo? Dili ang iglesia... ang Biblia ang naggiya sa lalake nga mahisalaag. Ang iglesia ang naggiya sa lalake nga mahisalaag. Ang iglesia ang iyang nakauban nga hubo, dili ang Biblia. Nakita ninyo? Dili, dili gayud. Ang Biblia nagtug-an nga siya hubo. Oo, sir.

Karon matikdi giunsa, pinaagi sa sekso, tinguha sa sekso, ang babaye naibog sa kahibalo, aron mahibalo unsa kini, ug unsaon, kung kining bunga maayo kon dili. Ug gibuhay sa babaye kini.

82 Ang Dios magabawi niini sa umalabot nga adlaw, bisan pa, pinaagi sa usa ka Tawo. Kini gitugyan pinaagi sa usa ka babaye. Apan kini gitubos pinaagi sa usa ka Tawo; ang Tawo, si Jesu-Cristo, nga mao ang Pulong.

Ug tungod niana unsa kini? Matikdi, sa panghinapos. Dinhi dili pa lang dugay, ako naghimo niining pagpahayag. Ako aduna pay mga upat kon lima ka mga panid nga ania dinhi, apan ako... sa Mga Kasulatan ug mga butang nga buot ko nga pagahisgutan. Apan, paminaw. Kita motapos, sa pagsulti niini.

83 Hinumdomi, dinhi dili pa lang dugay, ako nagatudlo kaninyo sa Pito Ka Mga Trumpeta, ang fiesta sa mga trumpeta, ug uban pa. Ug ako miingon, "Adunay ikawalo nga fiesta." Busa, ang ikapito nga adlaw mao ang katapusan, mao kana ang Milenyum. Apan adunay ikawalo nga adlaw nga fiesta; nga mao, kung kini mao ang ikawalo, ug adunay pito ka adlaw lamang, makapahimo niini nga nahaunang adlaw pag-usab, mobalik gayud ngadto sa nahaunang adlaw. Tungod niana, human ang Milenyum matapos, nan adunay matukod nga Eden pag-usab. Ang dakung Gingharian sa Dios ibalik pag-usab. Tungod kay, si Jesus nakig-away niini kang Satanas, didto sa tanaman sa Getsemani, ug gidaug pagbalik ang Eden; nga diin, Siya miadto aron pag-andam sa Langit, aron sa pagbalik pag-usab, didto sa ibabaw sa Langit. Siya miingon, "Dili magkaguol ang inyong mga kasingkasing."

84 Sa dihang Siya dinhi sa yuta, Siya miingon, "Kamo, kamong mga Judio, kamo nagtoo sa Dios. Karon, ako nahibalo nga ako nakakuha ug dautan nga ngalan," Siya miingon. "Ug sila miingon ako kini, kana, ug uban pa. Apan, kamo nagatoo sa Dios; ug ingon nga kamo nagatoo sa Dios, toohi usab Ako." Siya Dios, nga napadayag. Nakita ninyo? "Toohi usab diha..."

85 "Sa balay sa Akong Amahan daghan..." Kon, "Sa ekonomiya sa Akong Amahan, sa mga plano sa Akong Amahan adunay mga palasyo. Moadto Ako aron sa pag-andam ug dapit." Tan-awa unsa ka hataas kini, usa ka libo ug lima ka gatus ka milya kwadrado! Moingon, asa kini dapit? Siya miadto aron sa pag-andam niini. Siya ang Magbubuhat. Siya ang magabuhat nianang tanang bulawan. Ang mga dalan matinaw. Siya mao ang Magbubuhat. Siya ang nagbuhat sa dapit. Diha sa Pinadayag 21, siya miingon, "Ug ako si Juan nakakita sa balaang syudad, ang Bag-ong Jerusalem, mikanaug gikan sa Dios gikan sa Langit."

"Wala nay dagat; ang nahaunang langit ug nahaunang yuta nahanaw na." Unsa ang atong nahaunang mga langit? Mao ang Milenyum. Unsa ang atong nahaunang yuta? Mao kini. Kini pagabagohon. Sama lamang nga kini gibautismohan pinaagi kang Noe, sa mga adlaw sa iyang pagwali; gibalaan pinaagi ni Cristo, ingon nga Iyang giwisik ang Iyang Dugo sa ibabaw niini, ug pagabag-ohon, kuhaon ang tanang mga kagaw ug tanang butang gikan niini, sa pagbag-o sa katapusan, pinaagi sa bautismo sa Kalayo nga mopatay sa tanang kagaw, tanang sakit, tanang balatian, tanang kahugaw nga anaa gayud sa yuta.

86 Ang yuta mabungkag, ug motungha ang usa ka Bag-ong Yuta. "Ug akong nakita ang usa ka Bag-ong Langit ug usa ka Bag-ong Yuta. Ang nahaunang langit, kining nahaunang yuta, mahanaw; ug wala nay dagat. Ug ako si Juan nakakita sa balaang syudad, ang Bag-ong Jerusalem, mikanaug gikan sa Dios gikan sa Langit." Didto ang Dios makig-uban sa Iyang tinuod nga mga kinaiya, mga anak nga lalake ug mga anak nga babaye, diin Siya makahimo sa pagpakig-ambit uban kanila diha sa pagkabalaan, uban sa ilang mga mata nga nabuta ngadto sa bisan unsang sala.

Manglimbasog kita ug maayo; ayaw pagpalimbong dinhi niining panahona, apan, panglimbasog nga makasulod sa ganghaan."

"Kay ang tanan nga mahibilin mao ang mga makihilawason, mga maibogon." "Bisan kinsa nga magatan-awg babaye uban sa pagkaibog kaniya, nakapanapaw na uban kaniya." Ang tanan nga... sa gawas mao ang dautan ug dungog nga mga babaye, dautang ug dungog nga lalake, ug uban pa.

Ug kadto lamang nga mga gitubos, ug anaa diha sa Basahon sa Kinabuhi sa Cordero, ang makasulod sa ganghaan. Busa pamlimbasog, mga higala; ayaw pagpalimbong dinhi niining katapusang adlaw.

87 Mao kini ang dakung panahon. Ang matag-usa adunay kuarta. Ang tanan makahimo sa pagbuhat niini, ug ang tanan makahimo sa pagbuhat niana, ug ang kuarta nagaawas sa tanang dapit, ug dagkung mga sakyanan, ug tanang butang. Walay usa kanila nga maanaa didto nianang Syudad. Walay usa ka sakyanan, usa ka eroplano. Dili. Kini mahimong lahi kaayo nga sibilisasyon. Kini mahimong usa ka sibilisasyon dili sa kahibalo, dili sa seyensya, apan sa pagka-walay sala, ug pagtoo diha sa buhi nga Dios.

Panglimbasogan nato nga makasulod ngadto Niana. Kay mao kana ang akong tibook nga katuyoan, mao ang pagsulod ngadto nianang Syudad sa umalabot nga adlaw; ug sa pagtan-aw lamang pagbalik, nga mosulod uban kanako, makita ang matag-usa kaninyo nga nagmartsa, sa dihang kita magawit, "the saints go marching in." Buot ko nga maanaa nianang numero sa dihang ang mga balaan magamartsa pasulod.

Magaampo kita.

88 Minahal nga Langitnong Amahan, samtang ang mga adlaw naghinapos, ug among nakita nga nagkahiduol na. Kami nagaampo, Minahal nga Dios, nga Imong ibutang kana sa among mga kasingkasing, aron kami dili makahimo ug bisan unsang sayup. Minahal nga Dios, ampingi ang among mga konsensya nga maputli. Ampingi ang among mga kasingkasing nga matabilan, Ginoo, ang among mga mata matabilan gikan sa mga butang sa kalibutan, ug sa kawang nga mga butang sa kalibutan, kawang nga himaya aron mahimong ubang dagkung mga tawo.

Bisan kung unsa ka dagku sila, tanang mga hari, mga magmamando, mga gamhanan, ug tanang butang pa mangamatay, ug sila dili mabanhaw sa ikadu-... sa nahaunang pagkabanhaw. Kay nahisulat kini, "Bulahan ug balaan siya nga adunay bahin sa nahaunang pagkabanhaw, nga diin ang ikaduhang pagkabanhaw walay gahum." O Dios! "Ang ikaduhang kamatayon," ang espirituhanon nga kamatayon, "Walay gahum"; siya gitubos!

89 O Dios, sa paghunahuna nga usa niining mga taknaa, ang usa magabisita ngadto sa laing usa, ug pagasakgawon. "Duha diha sa higdaanan; ang usa pagakuhaon, ug ibilin ang usa. Duha diha sa uma; Akong kuhaon ang usa, ug ibilin ang usa."

O Dios, tabangi kami nga mahimong maputli diha-diha sa Imong panan-aw, Ginoo, bisan unsa pa man ang gihunahuna sa tawo kanamo, unsa ang ginasulti sa ubang katawhan. Ginoo, tugoti ang among balaan... ang among paggawi mahimong balaan. Mahimong tinimplahan sa Pulong sa Dios; tinimplahan gayud, Ginoo, nga walay limbong nga makaplagaan kanamo. Samtang kami nagapangamuyo, sa among mga sayup, nga ang Dugo ni Jesu-Cristo magabarug taliwala kanamo ug sa Dios, nga Siya magasud-ong kanamo pinaagi sa Dugo ni Jesus; dili pinaagi sa among kaugalingong pagkamatarung, o kung kinsa kami,

unsay among nabuhat, apan pinaagi sa iyang mga nabuhat lamang. Dios, tugoti kini!

90 Hinaut nga walay usa nga nagalingkod dinhi karong gabii ug nakapatalinghug sa Mensahe, hinaut nga walay usa kanila nga mawala, gikan sa labing gamayng bata ngadto sa labing tigulang nga tawo. Hinaut ang ilang balaan nga tinguha mao lamang ang alang sa Dios ug sa Iyang Pulong. Kami wala nasayud unsang orasa Siya mopakita, kon unsang orasa Siya magpatawag kanamo sa pagtubag didto sa unahan sa Paghukom. Wala kami masayud sa oras Siya tingali, maingon niadto, magkuha sa among kard gikan sa butanganan, moingon, "Panahon na sa pagpauli. Kinahanglan ikaw moadto." Dios, tabangi kami nga magpabilin nga maputli. Tugoti kini, Ginoo.

Hinaut nga kami buhi hangtud sa Pag-anhi sa Ginoo, kung mahimo man. Hinaut among mabuhat ang tanang butang nga anaa sa among gahum, uban sa gugma ug kahibalo, kahibalo nga ang Dios nagapangita diha sa kalibutan, karong panahona, sa pagpangita sa tanang nawala nga karnero. Ug hinaut kami mosulti kanila uban sa tinimplahang pag-ampo sa gugma ug sa Pulong sa Dios, nga kami makakaplag nianang katapusang karnero, aron kami makapauli na sa Pinuy-anan, ug makalingkawas dinhi niining karaang Eden ni Satanas dinhi, Ginoo.

91 Kanang tanan natukod sa kaibog, ug sa matahum nga mga babaye, ingon sa gitawag-kono sa kalibutan, uban sa ilang mga pahibalo, "Kami nagpahibalo, ug nagkinahanglan sa mga lalake nga moanhi nga dunay mga kandiis sa ilang mga nawong, ug mga guwapa nga mga babaye nga naka-short," diha gayud sa atong mga radyo ug mga telebisyon; ug ang tanang matang sa kahugaw ug dautan, ug Hollywood; tanang matang sa seksi, mahilas, malaw-ayng mga bisti sa mga babaye. Ug-ug ang lalake nga natuis ug nagsul-ob ug bisti nga iya sa babaye, ug nagpapatol sa ilang buhok sama sa babaye; ug mga babaye sama sa lalake.

O Dios, unsa ka makalilisang nga takna ang among gikinabuhian! Oh, umanhi Ka, Ginoong Jesus, umanhi Ka! Umanhi Ka, Ginoo! Hinloi kami pinaagi sa Dugo. Kuhaa ang tanang kahugaw ug limbong gikan kanamo. Tugoti kami nga mabuhi, Ginoo, tugoti kami nga mabuhi ilalum sa Dugo, sa kanunay, atubangan Kanimo. Mao kini ang tinguha sa among mga kasingkasing, ug among sinserong pagpangamuyo.

92 Minahal nga Dios, nabutang dinhi sa plat-... kon kadtong, talad sulatanan, karong gabii, diin ang Maayong Balita napahiluna. Ginoo, dinhi gibutang ang mga panyo ug gagmayng bugkos nga moadto sa masakiton ug nagaantus. Tugoti ang pag-ampo sa pagtoo, Ginoo, mahulog gikan sa among mga kasingkasing, diha sa Imong panan-aw. Tungod niana, Ginoo, kung adunay bisan unsang mahugawng butang sa sulod namo, Ginoo, kuhaa ang among... dad-a kami ngadto sa paghukom karon; ug kami mangamuyo sa kalooy. Ipadayag kanamo kung unsa ang among nabuhat nga sayup, Ginoo, aron kami makapangamuyo, sa pagkuha sa Dugo ug hinloi kami. Ayoha ang masakitong katawhan ug himoang maayo sila, Amahan, bisan asa man kini moadto, bisan asa man sila moadto. Tugoti nga mahimo kini, Amahan.

93 Hatagi kami sa hugot nga tinguha sa pag-alagad Kanimo, ug Kanimo lamang. Tugoti kini, Ginoo.

Hatagi ug kahilwasan kining minahal nga katawhan nga anaa sa dalan nga mopauli sa pinuy-anan.

Salamat Kanimo kung giunsa Nimo sa pag-ayo sa katawhan. Ug si Igsoong babayeng Shepherd ug gamayng batang lalake ni Igsoong lalakeng Shepherd, nga nasakitan sa pagbisikleta, ako nagaampo nga walay dautan nga moabut ngadto niana; ang gamayng tawo nga nagasakay sa iyang bisikleta, ako nagaampo nga maayo ang iyang kahintang. Nagpasalamat kami Kanimo alang sa Imong kaayohan niining laing katawhan nga among ginapangamuyo. "Ug kami nahibalo nga kung unsay among pangayoon, among madawat, tungod kay kami adunay pagsalig diha Kanimo nga naghimo sa saad."

Hatagi kami sa Imong grasya, Ginoo, ug pasayloa kami sa among mga sala, gipangayo namo kini sa Ngalan ni Jesu-Cristo. Amen.

94 Nahigugma ba kamo Kaniya? [Ang kongregasyon miingon, "Amen."-Ed.] Motoo ba kamo Kaniya? ["Amen."] Nagmasakiton ba kamo ug gikapoy sa gingharian ni Satanas? ["Amen."] Motoo ba kamo nga makaadto sa Milenyum, ngadto sa Iyang Milenyum; Iyang, ngadto sa Iyang Eden? ["Amen."]

Motoo ba kamo nga kini naporma karong panahona? Tan-awa, ang tanang butang gipasikad diha sa kaisipan. Tanan, tanang butang, kinahanglan mapamatud-an sa seyensya sa dili pa sila motoo niini.

Ug dili ka makapamatuod sa Dios pinaagi sa seyensya. Kinahanglan ikaw modawat Kaniya pinaagi sa pagtoo, "Kay siya nga moduol sa Dios kinahanglan motoo Kaniya nga mao Siya, ug nga siya mao ang magabalus niadtong nagapangita Kaniya."

O Dios, dili ko buot nga mahibalo sa bisan unsang butang gawas sa Dugo ni Jesu-Cristo nga magahinlo kanako gikan sa sala. Wala akoy nahibaloan gawas kang Jesu-Cristo. Ug maingon nga si Pablo miingon sa karaan, busa ako mosulti karong gabii, "Wala akoy nahibaloan sa inyong taliwala, gawas lamang kang Jesu-Cristo, ug Kaniya nga gilangsang sa krus."

95 Mao kanang tanan nga akong nahibaloan nga gikatug-an kaninyo. Nga, kining Biblia, ako nagatoo uban sa tibook nakong kasingkasing (kung ako nahibalo sa akong kasingkasing), aron mahimong hingpit walay sambog nga Pulong sa Dios. Pinaagi Niini ako mabuhi. Pinaagi Niini ako mobarug. Ug kung ako adunay napulo ka libo ka mga kinabuhi, buot ko nga ihatag ang matag tipik niini alang niining Pulong, kay mao kini ang Pulong ni Jesu-Cristo. Ug dili nako tagdon kung unsa ka makadaghan sila magtinguha sa paghimakak Niini, unsa sa makadaghan ang seyensya magtinguha sa pagsulti nga kini dili kasaligan, ug uban pa. Alang kanako, mao lamang kini ang butang sa kalibutan nga akong masaligan, mao kining Pulong. Siya ako. Nahigugma ako Kaniya. Dili ba kamo? [Ang kongregasyon miingon, "Amen."-Ed.]

96 Kung adunay sala sa imong kasingkasing, kung adunay kalapasan sa imong kasingkasing, kung aduna kay bisan unsang butang, pag-ampo karon ug pangayoa nga ang Dios magapasaylo kanimo. Magaampo kamo alang kanako; magaampo ako alang kaninyo. Ang Dios magapanalangin kaninyo, mao ang akong pag-ampo.

Til we meet! till we meet!

God be with you till we meet again!

Naghigumaay ba ang matag-usa kaninyo? [Ang kongregasyon miingon, "Amen."-Ed.] Si Juan miingon, "Mga anak, maghigugmaay ang matag-usa kaninyo." "Maghigugmaay ang matag-usa, kay ang gugma nagatabon sa daghang mga sala," Karon maglamanohay kita sa matag-usa.

God be with you till we meet again!

Till we meet! till we meet!

Karon magmalulot ngadto sa matag-usa kaninyo. Magmalulot ngadto sa tanan. Tagda ug maayo ang imong silingan. Ampingi ang imong kaugalingon nga walay buling hangtud sa pag-anhi ni Jesus.

... feet;

Till we meet! till we meet!

God be with you till we meet agin!

97 Nahigugma kamo Kaniya? [Ang kongregasyon miingon, "Amen."-Ed.] Mao kana ang akong pag-ampo. Pag-ampo kamo alang kanako; magaampo ako alang kaninyo. Kinahanglan mobalik ako sa Tucson karon. Ug ako-ako magaampo nga ang Dios magapanalangin kaninyong tanan. Ako moadto gikan didto sa Canada, ug balik ngadto sa Colorado; palibut, palibut, palibut, nakita ninyo. Hangtud...?...

Si Igsoong Tony atua didto, ug dakung butang ang nahitabo. Ilalum gayud sa Vatican, sa Roma, sila nagpatawag ug revival, alang kanako sa pag-adto didto ug maghimo ug revival sa Roma, sa Roma. Siya bag-o lang mibalik. Ang katawhan tanan nagkahiusa. Sila adunay dakung arena didto, makalingkod ug mga linibo ug mga linibo, ug sila gusto nga ako moadto alang sa usa ka revival. Gusto sila nga makakita sa himaya sa Ginoo diha sa pagpang-alagad. Wala ako mahibalo. Magaampo pa ako alang niini, tan-awon unsay isulti sa Ginoo kanako. Oh, tan-awa! Hinumdomi, pag-ampo, ang tanan kanato. Kita magabuhat...

We're watching for the coming of our blessed Saviour,

Lo, and behold the fig leaves now becoming green;

The Gospel of His Kingdom has gone to every nation;

And we're near the end, can be seen.

Tinuod ba kana? [Ang kongregasyon miingon, "Amen."-Ed.]

Then gladly away we'll herald the Message of His blessed appearing,

Soon He's coming in glory, to tell to one and all;

Then awake, ye saints of the Lord, why slumber when the end is nearing,

Let's get ready for that final call.

98 Siya moliso ngadto sa kasadpan ug mosakay pagbalik pag-usab, usa niining mga adlaw, hinumdomi gayud. Siya asegurado gayud. Ug mao kana ang tinuod. Hangtud unya:

Take the Name of Jesus with you,

Child of sorrow and of woe;

It will joy and comfort give you,

Take it, everywhere you go.

Precious Name (precious Name), O how sweet!

Hope of earth and joy of Heaven;

Precious Name, O how sweet! (how sweet!)

Hope of earth and joy of Heaven.

At the Name of Jesus bowing,

Falling prostrate at His feet,

Kings of Kings in Heaven we'll crown Him,

When our journey is complete.

Precious Name, O how sweet!

Hope of earth and joy of Heaven.

99 Karon, dinhi niining katapusang verseculo, magaawit kita niini uban sa pagduko sa atong mga kasingkasing karon.

Take the Name of Jesus with you,

As a shield from every snare;

And when temptations around you gather, (kining mga butang sa Gingharian ni Satanas, nakita ninyo, nakita ninyo)

Just breathe that holy Name in prayer.

Mao lang kanang tanan; unya paglakaw. Kini mahimo. Gisulayan na nako kini. Tohoi lamang kini karon, tungod kay kini mahimo. Pagginhawa lamang sa Iyang balaang Ngalan diha sa pag-ampo.

... the Name of Jesus with you,

As a shield from every snare;

When temptations round you gather,

(Tungod niana unsay buhaton ninyo?)

Just breathe the holy Name in prayer.

(Tungod niana ang Tabil motabon sa imong nawong.)

Precious Name (precious Name), O how sweet!

Hope of earth and joy of Heaven;

Precious Name, O how sweet!

Hope of earth and joy of Heaven.

Magaduko kita sa atong mga ulo karon, samtang ako magahangyo kang Igsoong Beeler didto sa luyo sa pag-anhi dinhi sa plataporma. [Si Igsoong Branham nagsugod sa pag-humming sa Take The Name Of Jesus With You-Ed.] Pagginhawa lamang sa Iyang balaang Ngalan diha sa pag-ampo.

Ikaw magapaluwat kanamo, Igsoong Beeler. Magapaluwat ka kanamo pinaagi sa pag-ampo.

Precious Name,

Hope of earth and joy of Heaven;

Precious Name (precious Name), O how sweet!

Hope of earth and joy of Heaven.

Karon uban sa pagduko sa atong mga ulo, ug ang atong mga kasingkasing magaduko. Igsoong Beeler, usa sa among katambayayong dinhi, si Igsoong Estle Beeler, maayong Cristohanang igsoon, usa ka maunongong tawo. Ako magahangyo kaniya kung siya makapaluwat sa mananambong, karong gabii, diha sa pag-ampo. Ang Dios magapanalangin kanimo, Igsoong Beeler.

Precious Name, O how sweet!

Hope of earth and joy of Heaven.

Karon, dinhi niining katapusang verseculo, magaawit kita niini uban sa pagduko sa atong mga kasingkasing karon.

Take the Name of Jesus with you,

As a shield from every snare;

And when temptations around you gather, (kining mga butang sa Gingharian ni Satanas, nakita ninyo, nakita ninyo)

Just breathe that holy Name in prayer.

Mao lang kanang tanan; unya paglakaw. Kini mahimo. Gisulayan na nako kini. Tohoi lamang kini karon, tungod kay kini mahimo. Pagginhawa lamang sa Iyang balaang Ngalan diha sa pag-ampo.

... the Name of Jesus with you,

As a shield from every snare;

When temptations round you gather,

(Tungod niana unsay buhaton ninyo?)

Just breathe the holy Name in prayer.

(Tungod niana ang Tabil motabon sa imong nawong.)

Precious Name (precious Name), O how sweet!

Hope of earth and joy of Heaven;

Precious Name, O how sweet!

Hope of earth and joy of Heaven.

Magaduko kita sa atong mga ulo karon, samtang ako magahangyo kang Igsoong Beeler didto sa luyo sa pag-anhi dinhi sa plataporma. [Si Igsoong Branham nagsugod sa pag-humming sa Take The Name Of Jesus With You-Ed.] Pagginhawa lamang sa Iyang balaang Ngalan diha sa pag-ampo.

Ikaw magapaluwat kanamo, Igsoong Beeler. Magapaluwat ka kanamo pinaagi sa pag-ampo.

Precious Name,

Hope of earth and joy of Heaven;

Precious Name (precious Name), O how sweet!

Hope of earth and joy of Heaven.

Karon uban sa pagduko sa atong mga ulo, ug ang atong mga kasingkasing magaduko. Igsoong Beeler, usa sa among katambayayong dinhi, si Igsoong Estle Beeler, maayong Cristohanang igsoon, usa ka maunongong tawo. Ako magahangyo kaniya kung siya makapaluwat sa mananambong, karong gabii, diha sa pag-ampo. Ang Dios magapanalangin kanimo, Igsoong Beeler.

At the Name of Jesus bowing,

Falling prostrate at His feet,

Kings of Kings in Heaven we'll crown Him,

When our journey is complete.

Precious Name, O how sweet!

Hope of earth and joy of Heaven.

Karon, dinhi niining katapusang verseculo, magaawit kita niini uban sa pagduko sa atong mga kasingkasing karon.

Take the Name of Jesus with you,

As a shield from every snare;

And when temptations around you gather, (kining mga butang sa Gingharian ni Satanas, nakita ninyo, nakita ninyo)

Just breathe that holy Name in prayer.

Mao lang kanang tanan; unya paglakaw. Kini mahimo. Gisulayan na nako kini. Tohoi lamang kini karon, tungod kay kini mahimo. Pagginhawa lamang sa Iyang balaang Ngalan diha sa pag-ampo.

... the Name of Jesus with you,

As a shield from every snare;

When temptations round you gather,

(Tungod niana unsay buhaton ninyo?)

Just breathe the holy Name in prayer.

(Tungod niana ang Tabil motabon sa imong nawong.)

Precious Name (precious Name), O how sweet!

Hope of earth and joy of Heaven;

Precious Name, O how sweet!

Hope of earth and joy of Heaven.

Magaduko kita sa atong mga ulo karon, samtang ako magahangyo kang Igsoong Beeler didto sa luyo sa pag-anhi dinhi sa plataporma. [Si Igsoong Branham nagsugod sa pag-humming sa Take The Name Of Jesus With You-Ed.] Pagginhawa lamang sa Iyang balaang Ngalan diha sa pag-ampo.

Ikaw magapaluwat kanamo, Igsoong Beeler. Magapaluwat ka kanamo pinaagi sa pag-ampo.

Precious Name,

Hope of earth and joy of Heaven;

Precious Name (precious Name), O how sweet!

Hope of earth and joy of Heaven.

Karon uban sa pagduko sa atong mga ulo, ug ang atong mga kasingkasing magaduko. Igsoong Beeler, usa sa among katambayayong dinhi, si Igsoong Estle Beeler, maayong Cristohanang igsoon, usa ka maunongong tawo. Ako magahangyo kaniya kung siya makapaluwat sa mananambong, karong gabii, diha sa pag-ampo. Ang Dios magapanalangin kanimo, Igsoong Beeler.

Precious Name, O how sweet!

Hope of earth and joy of Heaven.

Karon, dinhi niining katapusang verseculo, magaawit kita niini uban sa pagduko sa atong mga kasingkasing karon.

Take the Name of Jesus with you,

As a shield from every snare;

And when temptations around you gather, (kining mga butang sa Gingharian ni Satanas, nakita ninyo, nakita ninyo)

Just breathe that holy Name in prayer.

Mao lang kanang tanan; unya paglakaw. Kini mahimo. Gisulayan na nako kini. Tohoi lamang kini karon, tungod kay kini mahimo. Pagginhawa lamang sa Iyang balaang Ngalan diha sa pag-ampo.

... the Name of Jesus with you,

As a shield from every snare;

When temptations round you gather,

(Tungod niana unsay buhaton ninyo?)

Just breathe the holy Name in prayer.

(Tungod niana ang Tabil motabon sa imong nawong.)

Precious Name (precious Name), O how sweet!

Hope of earth and joy of Heaven;

Precious Name, O how sweet!

Hope of earth and joy of Heaven.

Magaduko kita sa atong mga ulo karon, samtang ako magahangyo kang Igsoong Beeler didto sa luyo sa pag-anhi dinhi sa plataporma. [Si Igsoong Branham nagsugod sa pag-humming sa Take The Name Of Jesus With You-Ed.] Pagginhawa lamang sa Iyang balaang Ngalan diha sa pag-ampo.

Ikaw magapaluwat kanamo, Igsoong Beeler. Magapaluwat ka kanamo pinaagi sa pag-ampo.

Precious Name,

Hope of earth and joy of Heaven;

Precious Name (precious Name), O how sweet!

Hope of earth and joy of Heaven.

100 Karon uban sa pagduko sa atong mga ulo, ug ang atong mga kasingkasing magaduko. Igsoong Beeler, usa sa among katambayayong dinhi, si Igsoong Estle Beeler, maayong Cristohanang igsoon, usa ka maunongong tawo. Ako magahangyo kaniya kung siya makapaluwat sa mananambong, karong gabii, diha sa pag-ampo. Ang Dios magapanalangin kanimo, Igsoong Beeler.



www.messagehub.info

Mga Wali Ni

William Marrion Branham

"... sa mga adlaw sa tingog ..." Pin. 10:7